


歷代職官表

一九





歷代職官表

(九十)

永瑔等奉敕纂

歷代職官表卷六十六

聖賢後裔世職併衍聖公官屬表

士博經五院林翰	公 聖 衍	
	侯 褒成	漢
	侯 褒成	後漢
	侯 宗聖	三國
	侯 奉聖	晉
	侯 奉聖	宋齊
	侯 崇聖	北魏
	侯 崇聖	北齊
	侯 鄉國	後周
	侯 紹聖	隋
	侯 文宣	唐
	侯 文宣	五季
	侯 聖公	宋
		遼
	衍聖公	金
	衍聖公	元
	衍聖公	明
子思書院 山長 士五經博		

林廟守衛司百戶

知

印

掌

書

守廟百史
守廟百吏
守廟百卒

林廟守衛百

知印

掌書
學書

衍聖公世封聖賢後裔世職并孔林各官

國朝官制

衍聖公 世襲正一品

掌奉至聖孔子闕里廟祀。順治元年題准封爵一如前朝。階正一品。班列尙書上。二年改賜三臺銀印。十三年依例授光祿大夫。十六年依例給清漢文三臺銀印。乾隆十四年改給清漢篆文一品三臺銀印。有大慶典。衍聖公並蒙錫蔭。初公階正一品。而蔭子則仍依正二品。康熙六十一年始視正一品。廕一子五品官。著爲例。

聖賢後裔翰林院五經博士二十六人 正八品俱世襲

孔氏北宗一人。掌奉中庸書院祀。南宗一人。掌奉衢州孔子廟祀。元聖周公。復聖顏子。宗聖曾子。亞聖孟子。先賢仲子。閔子。冉子。伯牛。冉子仲弓。端木子。言子。卜子。顓孫子。有子。周子。明道程子。伊川程子。張子。邵子。後裔各一人。朱子後裔二人。先儒韓子後裔一人。關氏後裔三人。各掌奉其先世之祀。孔氏北宗以衍聖公次子承襲。餘並以嫡子襲。孔氏。顏氏。曾氏。孟氏。東野氏。仲氏。閔氏。冉氏。端木氏。卜氏。言氏。顓孫氏。有氏。博士十五人。屬於衍聖公。餘各就其家除授。有關則督撫核明應襲之人。咨

部題請承襲

聖裔太常寺博士一人。正七品。世襲。

掌奉聖澤書院祀。以衍聖公第三子承襲。

聖裔國子監學錄二人。正八品。

一奉尼山書院祀。一奉洙泗書院祀。並由衍聖公於族內選用。

聖裔國子監學正一人。正八品。世襲。

掌奉儀封聖廟祀。順治八年。衍聖公奏准世襲如故。

聖裔世襲六品官一人。

掌分獻崇聖祠。國初仍前代。曲阜用孔氏世職知縣。乾隆六年。山東巡撫白鐘山言。曲阜知縣向由衍聖公保舉選用。每多瞻徇。請在外揀選調補。不必拘用孔氏。奉旨允行。以現任世職知縣授爲世襲六品官。遇有缺出。揀選調補。悉照執事官之例。

四氏學教授一人。正七品。學錄一人。正八品。

教授掌訓課孔顏曾孟四氏生徒。以學錄文行兼優。歷俸六年者陞補。學錄掌副教授訓迪生徒。而教公之子弟。於孔氏歲貢。廩生捐貢。及廩生內選用。初教授學錄止由衍聖公保舉。咨部除授。乾隆

二十六年，山東布政使奏定，令衍聖公將揀選應補人員，移送撫臣驗看，送部具題。

聖廟執事官四十人。三品二人，四品四人，五品六人，七品八人，八品十人，九品十人。

掌凡祭祀分獻及爵帛香祝之執事。雍正四年，特旨增設，各按品級給章服。著衍聖公於孔氏子孫內選擇人品端方，威儀嫻雅者，報部充補。每年各給俸祿銀二十兩，或曾經出仕而退休在籍，或身有職銜而未曾出仕，以及貢監、生童等，皆可入選。

司樂一人，奎文閣典籍一人，屯田管勾一人。並正七品。林廟守衛司百戶一人。秩視衛守備。知印一人，掌書一人。

書寫一人，奏差一人，隨朝伴官六人。並正七品。

司樂掌樂章樂器，而教肄樂生，典籍掌奎文閣書籍及禮生，管勾掌祀田錢穀之出入，祭祀則供其牲，恂恂盛治膳羞醯醢之屬，其屬有屯官八員，鉅野、鄆城、平陽各二人，東阿、獨山、二屯各一人，分掌五屯以供祀事，百戶掌陵廟之戶籍，供其洒埽戶役之事，主守禮器，祭祀則司滌濯，掌犧牲之宰割，自司樂以下分職治事，凡四司知印、掌書、書寫、掌公府文書信印、奏差、掌齋衍聖公表箋章奏，隨朝伴官、掌隨從衍聖公朝覲辦事初無常員，遇朝覲輒咨部給銜，乾隆十五年始額定六員，以上官皆由衍聖公保舉咨部補授。

歷代建置

漢

【山東通志】孔子九世孫騰。漢高帝過魯，封爲奉嗣君。一云奉聖君。謹案：奉嗣，闕里文獻考作奉祀。疑此有傳訛。

【闕重文獻考】孔氏世嫡。自漢高帝過魯，封九世孫騰爲奉祀君，始創推恩之例。

【漢書孔光列傳】元帝卽位，徵孔霸以師賜爵關內侯，食邑八百戶。號褒成君。霸上書求奉孔子祀。元帝下詔曰：「其令師褒成君關內侯霸以所食邑八百戶祀孔子焉。」

【荀悅漢紀】元始元年，封周公後公孫相如爲褒魯侯。孔子後孔均爲褒成侯。追諡孔子爲褒成宣尼公。

【漢書平帝本紀】元始元年，封孔子後孔均爲褒成侯，奉其祀。
【漢書恩澤侯表】褒成侯均，以褒成烈侯霸曾孫奉孔子後侯。

謹案：孔騰奉祀之封，不見於史。通典敘聖裔封爵，始於孔霸。然霸自以帝師蒙恩，非由先聖得封。如前此尙有蓼侯聚矣。至元始褒成之侯，是爲尊崇先聖後裔世爵之始。

【袁宏後漢紀】建武五年，封孔子後孔安爲殷紹嘉公。十三年，殷紹嘉公爲宋公。周承休公爲衛公。十四年夏四月辛巳，封孔子後孔志爲褒成侯。

【後漢書光武帝本紀】建武十四年，封孔子後志爲褒成侯。

【後漢書儒林列傳】世祖封均子志爲褒成侯。志卒。後子損嗣。永元四年。徙爲褒亭侯。世世相傳。至獻帝初國絕。

【洪适隸釋】後漢魯相乙瑛。置孔子廟。卒。史碑。司徒臣雄。司空臣戒。稽首言。魯前相瑛言。詔書崇聖道。勉六藝。孔子作春秋。制孝經。演易繫辭。經緯天地。幽贊神明。故特立廟。褒成侯四時來祠。事已卽去。廟有禮器。無常人掌領。請置百石卒史一人。典主守廟。春秋饗禮。則出王家錢。給犬酒。直臣愚以爲如瑛言可許。制曰可。永興元年。魯相平。行長史事。卞守長。擅言詔書。爲孔廟百石卒史一人。掌主禮器。選年卅以上。經通一藝。雜試能奉宏先聖之禮。爲宗所歸者。謹案。文書守文學掾魯孔龢。師孔憲。戶曹吏孔覽。等雜試。龢修春秋。嚴氏經。通高第。事親至孝。能奉先聖之禮。爲宗所歸。除龢補名。謹案。後漢書儒林傳。永元四年。褒成侯損徙封褒亭侯。然魯相乙瑛立卒史碑。韓敕造孔子廟禮器碑。史晨祠孔子廟碑。皆稱褒成之封。瑛碑立於永興元年。敕碑立於永壽二年。晨碑立於建寧二年。皆在永元之後。是損未嘗徙封。傳之誤爾。

三國

【三國魏志文帝本紀】黃初二年。詔以議郎孔羨爲宗聖侯。邑百戶。奉孔子祀。令魯郡修起舊廟。置百戶吏卒。以守衛之。

【隸釋】魏魯孔子廟碑。黃初元年。大魏受命。以魯郡百戶。命孔子二十一世議郎孔羨。爲宗聖侯。令魯郡修起舊廟。置百石吏卒以守衛之。洪云。魏志黃初二年正月。詔以議郎孔羨。爲宗聖侯。奉孔子祀。令魯郡修起舊廟。置吏卒守衛。碑云。元年。史作二年。誤也。後漢書。孔僖傳注以羨。爲崇聖侯。亦誤也。

謹案。黃初宗聖之封。史以爲二年。碑以爲元年。或據碑謂史誤。非也。文帝受禪在建安二十五年十一月。越二月。卽爲二年。碑因孔羨之封。追本受禪之事而言之爾。至百石吏卒。卽漢之百石卒。史。史作百戶。則其誤無疑。但漢卒。史乃吏名。而魏志及碑。皆作吏卒。則有不可曉者。

晉

【晉書武帝本紀】泰始三年。徙宗聖侯孔震。爲奉聖亭侯。太元十一年秋八月庚午。封孔靖之。爲奉聖亭侯。奉宣尼祀。

宋齊梁陳

【宋書禮志】奉聖亭侯孔亨。五世孫繼之。替慢不祀。宋文帝元嘉八年。有司奏奪爵。至十九年。又授孔隱之。兄子熙先謀逆。又失爵。二十八年。更以孔惠雲。爲奉聖侯。後有重疾失爵。孝武大明二年。又以孔邁。爲奉聖侯。

【宋書文帝本紀】元嘉十九年，詔奉聖之嗣，速議繼襲。魯郡民孔景等五戶，居近孔子墓側，蠲其課役，供給洒掃。

謹案：漢始置孔氏守廟百石卒史。至宋時，但給洒掃戶，則百石卒史，意晉時亦不復置矣。明始以洒掃戶有才德者，充林廟守衛百戶，則洒掃戶雖非官，而歷代相承，實林廟守衛司百戶所由始。故附載其事，以著緣起，而表則不列。其後來所設之洒掃戶，亦不瑣載焉。

【南史梁敬帝本紀】太平二年，詔求魯國孔氏族爲奉聖侯。

【南史陳廢帝本紀】光大元年，以儀同三司兼從事中郎孔英恣爲奉聖亭侯，奉孔子祀。

北魏

【北史魏孝文帝本紀】延興三年，詔以孔子二十八世孫魯郡孔乘爲崇聖大夫，給十戶以供洒掃。太和十九年，幸魯城，親祠孔子廟，詔拜孔氏四人，顏氏二人爲官。又詔選孔氏子孫一人，封崇聖侯，邑百戶，以奉孔子祀。

謹案：文獻通考後魏封孔子二十七葉孫乘爲崇聖大夫，孝文太和十九年改封二十八葉孫珍爲崇聖侯。與北史孝文紀以孔乘爲二十八世孫互異。又考太和十九年，詔拜顏氏二人爲官，是爲襄錄顏氏之始。

北齊

【北史齊文宣帝本紀】天保元年，詔改封崇聖侯孔長爲恭聖侯，邑一百戶，以奉孔子祀。
【馬端臨文獻通考】北齊改封三十一代孫爲恭聖侯。

後周

【北史周宣帝本紀】大象二年，詔進封孔子爲鄒國公，邑數準舊，立後承襲。

隋

【文獻通考】隋文帝仍舊封孔子後爲鄒國公，煬帝改封爲紹聖侯。
【隋書煬帝本紀】大業四年，詔立孔子後爲紹聖侯。

唐

【唐書禮樂志】高祖武德九年，封孔子之後爲褒聖侯。
【杜佑通典】唐貞觀十一年，封孔子裔德倫爲褒聖侯，神龍初授褒聖侯，崇階朝散大夫，仍許子孫傳襲。

【新唐書禮志】武后天授元年，封孔子爲隆道公，神龍元年，以鄒魯百戶爲隆道公采邑，以奉歲祀。
子孫世襲褒德侯。

【舊唐書元宗本紀】開元二十七年，追贈孔宣父爲文宣王，褒聖侯，改封文宣公。

【闕里文獻考】三十五代孫璣之。唐元宗開元二十七年，詔諡孔子曰文宣王，以其嗣爲文宣公。任長吏，代代勿絕。三十六代萱，襲封文宣公，兼兗州泗水令。三十七代齊卿，唐德宗建中三年，襲封文宣公，兼兗州功曹。二十八代惟暉，憲宗元和十三年，襲封文宣公，授兗州參軍。三十九代策，明經及第，授曲阜縣尉，襲封文宣公。四十一代昭儉，襲封文宣公，兼曲阜令。

【劉肅大唐新語】自漢魏以來，歷代皆封孔子後爲褒成侯，或號褒聖侯。至開元二十七年，詔冊孔子爲文宣王，其嗣褒成侯，改封文宣公。令右丞相裴耀卿攝太尉，持節就國子監冊命，訖有司奠祭，樂用宮懸八佾之舞。詔曰：宏我王化，在乎儒術，皆發揮此道，啟迪含靈，則生人以來未有如夫子也。所謂自天攸縱，將聖多能，德配乾坤，身揭日月，故能致天下之太平，成天下之大經，美政教，移風俗。君君臣臣，父父子子，人到於今受其賜，不其猗歟！文多不盡載。

【山東通志】四十一代昭儉，襲封文宣公，累宰曲阜，子光嗣。哀帝天祐二年，授泗水令，林廟主。

謹案呂兆祥陋巷志載：唐德宗貞元六年，南郊赦書節文，授四十一代孫頤，五品正員官。文宗以四十三代孫覽，爲殿中侍御史，宏式爲同州參軍，皆推恩聖裔，特加敘錄，非官制之常，故今刪不錄。

五季

【山東通志】光嗣爲灑掃戶孔末所害。末自爲曲阜令。光嗣子仁玉育於外家。長訴於朝。乃誅末。後唐時以仁玉襲封文宣公。

【闕里文獻考】孔氏子孫爲曲阜縣令。昉於唐咸通間。續至後唐。始以文宣公兼之。四十三代仁玉。孔末之亂。生甫九月。匿於外家。後唐明宗長興元年。魯人訴於朝。乃誅末。以公主孔子祀。授曲阜主簿。三年。選龔邱令。封文宣公。晉高祖天福五年。改曲阜令。後周太祖廣順二年。詔以曲阜令兼監察御史。

【呂兆祥陋巷志】後周太祖廣順二年。駕幸曲阜。詔顏子之後。以四十六代孫涉。授曲阜縣主簿。謹案。此事雖於官制無關。然歷代卒以世爵崇孔氏。而褒錄諸賢後裔者。明以前不數見。故亦存之。以著緣起。

宋

【文獻通考】太祖乾德四年。以文宣王四十四代陵廟主進士孔宣。爲兗州曲阜縣主簿。太宗太平興國三年。孔宣可授太子贊善大夫。襲封文宣公。天禧元年。以文宣王四十六代孫光祿寺丞聖佑。襲封文宣公。

【宋史祖無擇列傳】至和二年上言。開元諡孔子爲文宣王。以其後爲文宣公。以祖之美諡。而加後嗣。不經甚矣。乞明詔有司。詳求古制。別定美號。於是下近臣議。改爲衍聖公。

【宋史哲宗本紀】元祐元年。改封孔子後爲奉聖公。不預他職。

謹案。聖裔封號。前代更易不一。而衍聖公之號。始於宋至和二年。至元祐又改爲奉聖。旋又復舊。自是以後。相承不改焉。

【闕里文獻考】元張頴廟學記孔子舊宅。因廟建學。昉於魏之黃初。其閒興廢不常。有宋大中祥符三年。殿中丞公自牧奏。就廟側創學。帝曰。講學道藝。貴近廟庭。當許於齋廳內說書。乾興元年。孫宣公守兗州。於廟建學。請以楊光輔爲講書奉禮郎。始賜學田。元祐四年。尹復泰以文潞公薦爲教授。給田二十頃。以贍生員。選任教導。其重如此。要必以講六經之道。傳聖人心法爲職。而小學之教。節目纖悉。宜有分任其事者。考之碑刻。則學正錄。皆孔氏子孫爲之。蓋當時乃教授自署。毋亦選擇而使。以寓激勸與。抑因其親愛。俾帥幼而入學者與。

【山東通志】宋眞宗大中祥符二年。就廟建學。以訓孔氏子孫。哲宗元祐元年。置教授一員。於舉到文官內差。或委本路監司。保舉有行義人充。令教訓本家子弟。尹復泰以文潞公薦爲教授。本年又置學錄一員。

謹案此條所載教授學錄緣起較張頤記爲詳故互見以備考。

【闕里文獻考】明劉健重修三氏學記闕里三氏學建於宣聖廟之東南以教孔顏孟三氏子孫廟之建其來遠矣學則自宋大中祥符間始考厥初止以教孔氏子孫其後益以顏孟二氏蓋自元祐開始。

【山東通志】宋眞宗改曲阜爲仙源縣仁宗皇祐三年詔自今仙源縣官復於孔氏子弟中選用徽宗崇寧間又詔文宣王後常聽一人住兗州仙源縣官有丞有簿有尉大抵皆世職也。

【山東通志】孟子四十五代孫寧宋仁宗景祐四年孔道輔薦於朝授鄒縣主簿奉孟子祀。

謹案此爲襲錄孟氏之始又闕里文獻考載宋眞宗天禧五年詔於夫子後選差朝官一人監督孔氏廟役時道輔以知仙源縣充徽宗崇寧二年詔文宣王家選親族一人判司簿尉事卽以家長承襲元代由省臣擇孔氏中廉幹者一人委充提領監修官依族長授八品冠帶蓋沿其制明初猶以翰林檢閱官孔涇爲族長其後衍聖公自擇族人爲之始無品秩其提領監修官明初改爲提領林廟事亦無品秩沿襲至今國朝則族長沿舊名而提領林廟事改稱林廟舉事亦均無品秩且旣設聖廟執事官卽以執事官兼此二事不復專設故今不載於表中而於勘置之初附載其源流如此。

遼末置

謹案。遼史不載孔氏世爵。亦無先賢之裔蒙襲錄者。蓋聖裔聚族於山東。而諸賢之裔。亦皆居宋地故也。

金

【金史熙宗本紀】天眷三年。以孔氏四十九代孫璠。襲封衍聖公。

【闕里文獻考】金廟學教授。章宗明昌元年。敕於四舉五舉終場進士出身人內。選博學經史。衆所推服者充。秩正八品。○元張頴廟學記。金氏因之。廩賜教育。有加無替。○金熙宗皇統間。仍改仙源爲曲阜。章宗承安二年。敕衍聖公年及十七。許兼曲阜令。不許別行差占。○金完懷英重修至聖文宣王廟碑。廟有層閣。以備皮書。詔以奎文名之。

謹案。此爲奎文閣賜名之始。至元乃設官以典之。

【王圻續通考】章宗明昌三年四月。詔曰。衍聖公秩視四品。階正八品。不稱。可超遷中議大夫。永著於令。

元

【元史太宗本紀】五年。詔以孔子五十一世孫孔元措。襲封衍聖公。

【元史孔思晦列傳】孔氏族人相與議。思晦嫡長且賢。宜襲封爵。奉祠事。狀上政府。事未決。仁宗親取孔子譜牒按之。曰以嫡應襲封者。思晦也。復奚疑。特授中議大夫。襲封衍聖公。月俸百緡。加至五百緡。賜四品印。泰定三年。山東廉訪副使王鵬南言。襲封上公。而階止於四品。於格弗稱。明年。升嘉議大夫。至順二年。改賜三品印。

【闕里文獻考】元王思誠子思書院學田記。鄒之中庸精舍。卽沂國公授受故址而爲之。延祐二年。朝廷改爲子思書院。設山長。以司訓導。○元潘迪子思書院新廟記。中庸精舍。大德間宋尹彰擴爲書院。請額設官。朝廷允之。許立子思書院。置山長一員。職視大庠校官。

【山東通志】尼山書院。在尼山之麓。實毓聖之區也。元至順二年。衍聖公孔思晦。請設尼山書院。山長。本年。以彭璠爲山長。璠卒。以益都路馬猶子爲山長。洙泗書院。在孔林之東。孔子自衛反魯。與弟子講道於洙泗之上。魯記所載孔子講堂。卽此也。元時創建請額。至順二年。衍聖公孔思晦。請設山長。聽衍聖公保族人之賢者任之。

【闕里文獻考】元虞集尼山創建書院記。至順三年。衍聖公思晦。用林廟管勾簡實埋言。請復尼山祠廟。置官師奉祠。薦彭璠可用。至元二年。中書左丞王公懋德。率同列執政者。白丞相。置尼山書院。以璠爲山長。

【山東通志】元世祖中統初詔立曲阜廟學。選師儒充教授。正錄各一。

【闕里文獻考】元呂思誠加封啟聖王碑。世祖龍飛。車馬混一。自上都大都。及天下郡邑立廟學。曲阜林廟尤加修崇。於是定襲封之嗣。除孔氏一人。尹曲阜縣。

【山東通志】金元常以衍聖公知縣事。故有世襲縣尹。武宗至大二年。設曲阜廟學典簿一員。仁宗延祐七年。遣說書王存義赴曲阜。以太牢祀孔子。是年為聖廟設司樂一員。管勾一員。

【闕里文獻考】掌書設自元成宗元貞二年。

明

【明史儒林列傳】洪武元年。命孔希學襲封衍聖公。置官屬。曰掌書。曰典籍。曰司樂。曰知印。曰奏差。曰書寫。各一人。立孔顏孟三氏教授。司教授。學錄。學正。各一人。立尼山洙泗二書院。各設山長一人。又命其族人希大為曲阜世襲知縣。

【明史職官志】衍聖公孔氏世襲。正二品。袍帶。誥命。朝班。一品。洪武元年。授孔子五十六代孫希學襲封。其屬掌書。典籍。司樂。知印。奏差。

書寫各一人。皆以流官充之。曲阜知縣孔氏世職。洪武元年。授孔子裔孫希大為曲阜世襲知縣。翰林院世襲五經博士。正八品。孔氏二

人。正德元年。授孔子五十九世孫彥繩。主衢州廟祀。宋孔端友從高宗南渡。家於衢州。此孔氏南宗也。正德二年。授孔聞禮奉子思廟祀。顏氏一人。景泰三年。授顏子

人。嘉靖十八年。授曾子六十四代孫質粹。仲氏一人。萬曆十五年。授孟氏一人。景泰三年。授孟周氏一人。景泰七年。授先儒

程氏二人

景泰七年。授先儒程頤裔孫克仁。崇禎三年。授先儒程顥裔孫接道。

邵氏一人

崇禎三年。授先儒邵雍裔孫繼祖。

張氏一人

天啟二年。以先儒張載裔孫文運爲博士。朱

氏二人

景泰六年。授先儒朱熹裔孫挺。嘉靖二年。又授。爲博士。奉婺源廟祀。

教授司教授

從九品。學錄學司

並未入流。

孔顏曾孟四氏各一

人。又尼山洙泗二書院各學錄一人。先是元代封孔子後裔爲衍聖公。賜三品印。洪武元年太祖既

以孔希學襲封衍聖公。因詔禮臣曰。孔子萬世帝王之師。而其後嗣止三品。弗稱褒崇。其授希學秩

二品。賜以銀印。

【闕里文獻考】四氏學學錄。宋元祐始置。當時尙有學正一員。與學錄同以孔氏充。而令教授自署。

金元閒。閒用異姓。正錄秩皆九品。明洪武七年。裁學正。止設學錄一員。秩未入流。宣德元年。定以聖

裔任。令衍聖公保舉孔氏年德俱尊。學問優長者。咨部除授。

【山東通志】聖澤書院。孔子宰中都處也。明設太常博士一員。以主祀事。以衍聖公三子承襲。

【闕里文獻考】尼山書院。洙泗書院。元順帝至正二年初設山長。以異姓碩儒任。後令衍聖公保舉

族人之賢者爲之。明武宗正德二年。改名學錄。秩從九品。

【山東通志】唐襄德侯孔德倫。在河南寧陵。建祖廟。明正統九年。詔遷廟於儀封。嘉靖十四年。特

授聖裔爲國子學正。專主祀事。

【闕里文獻考】唐天寶閒。文宣公避亂。遷居寧陵者數世。遂於其地建立聖廟。後以子孫流寓寧陵。

者主其祀事。會河圮遷居儀封。明正統九年詔卽於儀封立廟。嘉靖十四年始置官。以孔繼寅爲學正。秩正九品。令世襲。

謹案。大常博士及國子監學正二官。明史職官志及儒林傳皆不載。

【闕里文獻考】明劉健重修三氏學記。闕里三氏學。洪武始定名爲孔顏孟三氏教授司。教授學錄各一員。學錄卽以孔氏子孫爲之。○三氏子孫教授司。萬厯年間增入曾氏。又改名四氏學。○元仁宗延祐三年。衍聖公兼曲阜尹。思誠以非嫡罷職。專尹曲阜。其子克欽。孫希大。皆世襲縣尹。明洪武七年。希大坐事罷職。因改世襲爲世職。令衍聖公保舉族人之賢者。送部選授。領刺赴任。○漢魯相乙瑛。以孔子廟有禮器。無人掌領。請置百石卒史一人掌之。後世以其管轄洒埽百戶。其官遂爲百戶。又以職司巡徼。有武備焉。合典籍。司樂。管勾。等三員爲兵農禮樂四司。始用孔氏後。以生員明宏治閒。始以洒埽戶才德兼優者充之。止由衍聖公委用。不由部銓注。

【山東通志】山東巡撫方大猷。請崇聖賢以培人才疏。衍聖公屬官員役。明洪武元年。設管勾一員。司五屯錢糧。司樂一員。司樂舞生。典籍一員。司禮生。書籍。掌書一名。司文移。書寫一名。司繕寫。知印一名。司印務。奏差一名。司差遣。以上皆由衍聖公保舉。堪用人數。咨部銓用。

【闕里文獻考】知印書寫並明洪武二年建隨朝伴官。洪武十七年設。

謹案。聖裔世爵。始自西漢。若餘官。則後漢始置百戶卒史。然至晉時已廢。後魏孝文嘗官孔氏。顏氏。而亦未聞世襲也。至唐末始以文宣公兼曲阜令。宋時又置廟學教授。自是歷代相承。遞有增設。更元及明。置官漸備。然四時將享主鬯者。雖膺上公之封。而駿奔者。不皆服官之侶。至國朝設六等執事官。然後牽牲贊采。章紱焜煌。先聖祀典。於是有光。真足以補前朝之闕典矣。至曲阜世職知縣。明隆慶時。御史趙可懷已有舉用非人。民受其殃之奏。而因循不廢者。徒以此爲報先師之盛意。而無術以善處之爾。今以曲阜知縣改授世職六品官品。職視舊爲崇。而無民社之責。爲職事之所不及。尊師重道之意。通變宜民之術。並行不悖。斟酌盡善。尤爲前代之所不及也。

歷代職官表卷六十七

師傅保加銜表

太 師 太 傅 太 保			
	太師 太傅 太保		三代
			秦
	太師 太傅 太保		漢
	太傅		後漢
	太傅 太保		三國
	太師 太傅 太保		晉
	太師 太傅 太保		宋 齊 梁 陳
	太師 太傅 太保		北魏
	太師 太傅 太保		北齊
	太師 太傅 太保		後周
	太師 太傅 太保		隋
	太師 太傅 太保		唐
	太師 太傅 太保		五季
	太師 太傅 太保		宋
	太師 太傅 太保		遼
	太師 太傅 太保		金
	太師 太傅 太保		元
	太師 太傅 太保		明

太子太師太傅太保	少師少傅少保
師氏保氏	少師少傅少保
傅師	
太傅	少傅
太傅	
太師太傅太保	
太傅	
太師太傅太保	
太師太傅太保	
太師太傅太保	
太師太傅太保	少師少傅少保
太師太傅太保	
太師太傅太保	
太師太傅太保	
太師太傅太保	少師少傅少保
太師太傅太保	少師少傅少保
太師太傅太保	
太師太傅太保	
太師太傅太保	少師少傅少保

師傅保加銜

國朝官制

太師、太傅、太保、正一品、少師、少傅、少保、從一品、太子太師、太子太傅、太子太保、從一品、太子少師、太子少傅、太子

少保、正二品

以上皆虛銜無職掌亦無員額凡大臣宣力中外勞績懋著者則奉特旨加銜或爲贈典以示優寵焉。

歷代建置

謹案太師、太傅、太保古謂之三公其貳稱三孤必得其人而後授之無其人則寧闕故曰官不必備惟其人也後漢每一帝卽位必置太傅錄尙書事參預政柄非古義矣其餘各代皆以師傅稱上公位三公上多以他官兼領或不備置三少則或不置元魏始稱三師其實一也若東宮師傅代各殊制亦多以他官兼領者唐天寶以前凡三師官雖有其位而無其人其後多以畀藩鎮得之者或不以爲榮宋政和新制改三師爲三公與三孤多爲階官而東宮六傅領以宰執大臣然三公之濫授莫甚於宣和之際其名尤多不正如鄆王楷以唱名第一超拜太傅景王杞濟王栩

並以國公進太傅。是以子爲師傅也。內侍童貫、拜太傅。進太師。是以厮役爲師傅也。嗣是而緇衣、黃冠亦間崇以師傅之號。而典章掃地盡矣。明制三公三孤俱爲勳戚文武大臣。加官贈官。而東宮師傅亦無定員。無專授。然明世文臣多不敢居三公之位。而東宮師傅類以累考或恩澤得之。亦非慎重名器之意。今詳考歷代之得失。並著於篇。然後知我國家參取古制。用爲加銜。無專權干政之虞。無循資濫授之弊。立法之善。爲前代所不及也。

三代

【禮記文王世子】記曰。虞、夏、商、周有師保。【鄭康成註】記所云。謂天子也。

謹案。韓詩外傳。三公者何。曰。司空、司徒、司馬。司馬主天。司空主地。司徒主人。今尙書歐陽夏侯說。天子三公。一曰司徒。二曰司馬。三曰司空。文子堯之治天下也。舜爲司徒。契爲司馬。禹爲司空。注。三公之官。淮南子說苑並同。尙書刑德考曰。益爲司馬。禹爲司徒。禹爲司空。三公象三台。月令疏。云。書傳有司馬、司徒、司空。公領三卿。此夏制也。是虞夏以前。以司徒、司馬、司空爲三公矣。古周禮說。天子立三公。曰太師、太保、太傅。五經異義云。周公爲傅。召公爲保。太公爲師。周公、太公無爲司徒、司空之文。知師保傅三公官名也。五帝三王不同物。此周之制也。然則許慎謂五帝三王。惟周以師保傅爲三公。周以前。則有異。今據文王世子。虞夏商周有師保。則五帝三王。並如古周禮說。

不特周有師保也。又考路史後紀黃帝紀乃立四輔三公六卿三少二十有四官。

案靈樞經有黃帝問少師之文。

與羅泌之說合。是書雖出偽託。然實採摭諸書而成。亦必依附古義。知舊籍所載黃帝嘗有是官也。

又云陶唐氏立三公六卿百揆暨百執事。然則虞夏

商周之前已有師保明矣。非至虞夏商周始創此官也。

【杜佑通典】殷太甲時伊尹爲太保。

謹案環濟要略曰三公太師太傅太保也。殷時有阿衡伊摯佐之。太甲改爲保衡。皆三公官也。又詩長發篇鄭康成箋曰阿衡湯所倚倚而取平也。故以爲官名。太甲時曰保衡。書君奭篇孔安國傳曰伊尹爲保衡。言天下所取安所取平均。與杜佑以保衡爲太保立義各異。以今考之。古人所稱有官有號。伊尹之稱阿衡當由湯倚任至重。加以殊名。如周之有師尙父。非商設有此官。以伊尹充之也。洎乎太甲之世。則以伊尹爲太保。遂兼其官而稱之。謂之保衡。亦如唐宋宰相出鎮。稱使相宰相封公。稱公相兼二名而言之。非至太甲之世。又改名保衡也。故書稱罔俾阿衡。專美有商。詩稱實維阿衡。實左右商王。皆不出伊尹之名。姓。而後人知爲伊尹。以爲伊尹之專號。故也使阿衡爲商代之官名。豈有專歸一人。以爲稱謂者哉。今從禮記杜佑之說。定商惟有太保。而阿衡之名。表中亦刪不錄焉。

【尚書盤庚】邦伯師長。【孔安國傳】衆長公卿也。【孔穎達正義】衆官之長。故爲三公六卿也。

【尙書說命】樹后王君公【孔穎達正義】三公則君公之內包之。

【尙書微子】父師少師【孔安國傳】父師太師三公少師孤卿。

謹案漢官儀殷伊尹爲太保。肯餘爲太師。故文王世子註謂殷亦兼有師保。墨子武丁得傳說。舉以爲三公。然則殷具三公明矣。史記殷有太師疵。少師彊。抱其樂器以適周。漢書古今人表亦同。蓋皆樂官之長。如論語之太師摯。少師陽。其官名與公孤偶同。實非公孤之職。謹附識於此。

【尙書周官】立太師太傅太保。茲惟三公。論道經邦。燮理陰陽。【孔安國傳】師天子所師法。傅相天子保。保安天子于德義者。此惟三公之任。官不必備。惟其人。【孔安國傳】三公之官。不備員。少師少傅少保曰三孤。

佐王論道。以經緯國事。和理陰陽。言有德者。乃堪之。【孔安國傳】此三官。名曰三孤。孤。特也。言卑于公。尊于卿。特置此三者。武公宏化。寅亮天地。弼予一人。【孔安國傳】副貳三公。宏大化。敬信天地之教。以輔我一人之治。

謹案逸周書武寤解尹氏八士太師三公。咸作有績。神無不饗。別太師於三公之外。與周官之制異。未足據也。

【尙書金縢】二公曰。我其爲王穆卜。【孔穎達正義】武王時。三公惟周召與太公耳。知二公是召公太公也。

【周禮】卿老二鄉。則公一人。【鄭康成註】老尊稱也。王置六卿。則公有三人也。三公者。內與王論道。中參六官之事。外與六卿之教。其要爲民。是以屬之卿焉。

謹案康成大傳註。一公兼二卿。舉下以爲稱。太宰、司徒、同職。則稱司徒公。宗伯、司馬、同職。則稱司馬公。司空、同職。則稱司空公。考王置六卿。六卿各領一鄉。大傳注。謂公領二卿。則一公領二鄉明矣。與鄉老文。可以互證。春秋傳。宋立四鄉。二師掌之。二師。猶天子三公也。二師掌四鄉。則是一公領二鄉也。尙夔周官鄉老之制。而孔安國書傳。謂一公止領一卿。豈一公止領一鄉乎。未足爲據也。

【國語】太保六之。太師七之。【章昭注】太保、太師。天子三公。佐王論汜監衆官。不得掌事故次之。謹案國語此文。但及太保太師。不及太傅。或徇農之事。太傅不與。非無其職也。太保太師次司徒。蓋亦次徇農之先後。非序官也。

【春秋公羊傳】諸公者何。天子三公。天子三公者何。天子之相也。天子之相何以三。自陝而東者。周公主之。自陝而西者。召公主之。一相處乎內。是言三公爲二伯也。

【漢書百官公卿表】周官。太師、太傅、太保。是爲三公。蓋參天子坐而議政。無不總統。故不以一職爲官名。又立三少爲之副。少師、少傅、少保。是爲孤卿。記曰。三公無官。言有其人。然後充之。舜之于堯。伊尹于湯。周公、召公、于周。是也。

【通典】武王時太公。成王時周公、畢公。爲太師。成王時畢公爲太傅。召公爲太保。

謹案蔡氏沈謂周公方條治事之官未及師保之職所謂未及者鄭重而未及言之也然考詩大明維師尙父毛傳云師太師史記齊世家書太誓註並稱文王立太公望爲太師初學記通典又謂周武王時太公爲太師成王時周公爲太傅召公爲太保儀禮逸禮太公爲太師周公爲太傅召公爲太保史記周本紀成王卽位周公舉公並爲太傅書顧命孔傳云太保舉毛稱公則三公矣冢宰第一召公領之司馬第四畢公領之司空第六毛公領之則是閱文武成康之世三公不特具其職且並未嘗闕其人周公作周禮時似不應不及三公也然而周官載公孤於六卿之前周禮則不之及者周官敍官之書故必首三公也周禮列六官之職三公無專職故不能不闕如也詩長發降于卿士實惟阿衡正義云三公兼卿士詩常武太師皇父正義云三公兼卿士之官竹書紀年殷王卽居亳其卿士伊尹然則三公類兼六卿六卿之職何一非三公之職耶六卿之職具而三公之職亦具矣大司徒敍官曰鄉老二鄉則公一人此三公之兼職也職無可名故公孤不列於六卿之前職有可名故二公並繫于司徒之屬此周公著作之體也

【禮記文王世子】凡三王教世子必以禮樂立太傅少傅以養之欲其知父子君臣之道也太傅審父子君臣之道以示之少傅奉世子以觀太傅之德行而審諭之太傅在前少傅在後入則有保出則有師

【漢書賈誼列傳】成王幼，召公爲太保，周公爲太傅，太公爲太師，保其身體，傅之德義，師之道之教訓，此三公之職也。於是爲置三少，皆上大夫也。曰少師、少傅、少保，是與太子宴者也。

謹案文王世子所引記曰：虞夏商周有師保，有疑丞，設四輔。說者曰：天子必有四隣，作記者取以成世子之記。考尚書大傳曰：天子必有四隣，前曰疑，後曰丞，左曰輔，右曰弼。大戴禮曰：應而不窮者謂之道，輔善而相義者謂之充，絜廉而切直者謂之弼。博問強記者謂之丞。注道或謂之疑，充或謂之輔，是所謂四輔也。然賈誼所稱三公三少，卽今周官所載，非別爲東宮官屬。故後漢翟酺傳亦云：昔成王之政，周公在前，召公在後，畢公在左，史佚在右，四子挾而維之，目見正容，耳聞正言，一日卽位，天下曠然，言其法度素定也。蓋王之師、保、疑、丞，卽世子之師、保、疑、丞，而非別設其官以教之也。若大戴所記謂周公在前，太公在左，召公在右，史佚在後，而翟酺云云，語各不同，則傳聞各異耳。

【周禮地官】師氏，中大夫一人，上士二人，掌以媿詔王，以三德教國子。【鄭康成注】國子，公卿大臣之子弟，師氏教之，而世子亦齒焉。

保士，下大夫一人，中士二人。

【註】書序曰：周公爲師，召公爲保，相成王爲左右，聖賢兼此官也。

掌養國子以道，乃教之六藝。

謹案文王世子所載以太傅少傅爲重，而師保則附言。賈誼所述直以太保太傅太師屬之，召公周公太公而以爲太保太傅太師爲三公，以三少爲上大夫，皆與此文迥異。蓋周禮至漢武帝時

始出。文王世子及賈誼疏，皆在其前。故傳聞異詞，核實而論，師氏似專掌教授。如今之內廷教誨。保氏似專掌調護。如今之誼達。太保、太傅、太師、少保、少傅、少師，則統領其事。如今之總師傅。其官有尊卑，其任有專司，兼攝而所職則大略相同，互相出入，故諸儒所記各舉其一端，似相迕而實相足。康成保氏註引書序：周公爲師，召公爲保，相成王爲左右聖賢兼此官。昔人謂太師、太保、康成誤以師氏、保氏當之。今考經典釋文：君奭序保，太保也；師，太師也；馬云：保氏師氏皆大夫官，則康成保氏注乃本馬融君奭註也。師氏、保氏不得當太保、太師，故書牧誓：亞旅師氏，次在司徒、司馬、司空之後。孔安國傳云：師氏大夫官，顧命師氏虎臣，次在太保、芮伯、彤伯、畢公、衛侯、毛公之後。孔安國亦云：大夫官是也。中大夫之與三公，康成何至混而爲一。蓋康成原不以師氏爲太師，保氏爲太保，特謂周公爲太師，亦兼師氏之職，召公爲太保，亦兼保氏之職，以相成王也。成王沖齡踐阼，尙不得闕國子之教，故三公復充師氏、保氏之任。保氏註明云：兼此官，旣云兼此官，則非卽此官明矣。鄭註未嘗合而爲一也。

秦

【章如愚山堂考索】秦制闕三師之位。

【通典】太子師保二傅，殷周已有，逮乎列國，秦亦有之。

謹案秦之太子師傅見於史記商君列傳然秦使太子扶蘇北監蒙恬兵于上郡而以趙高傅公子胡亥教之決獄然則所謂太子師傅者其失職也久矣又孔叢子載陳勝以孔鮒爲太師蓋沿用古制偶立斯名非秦有是官故不著焉。

漢

〔漢書百官公卿表〕太傅高后元年初置金印紫綬後省八年復置後省元壽二年復置位在三公上太師太保皆元始元年置金印紫綬太師位在太傅上太保次太傅。

謹案漢志太傅位在三公上考漢紀永光三年太傅韋元成爲御史大夫御史大夫位在太傅下以太傅爲御史大夫在當時並非左遷豈以太傅位雖尊而御史大夫職特重歟又漢紀武帝紀載元狩五年太子太傅嚴青翟爲丞相太傅止爲御史大夫而太子太傅乃爲丞相然則當時雖設師傅而遷除他官不甚拘拘于太少之秩次也。

〔漢紀平帝紀〕大司徒孔光爲太傅左將軍甄豐爲少傅元始元年太傅孔光爲太師車騎將軍王舜爲太保大司空左將軍甄豐爲少傅。

〔宋書百官志〕太師漢初不置平帝始復置太師官而孔光居焉東京又廢獻帝初復置後又廢太傅漢高后元年初用王陵太保平帝元始元年始用王舜後漢不置。

謹案荀悅漢紀高祖紀有太保叔孫通固諫之文然則高祖時已有太保而漢書百官公卿表謂元始元年始置宋百官志謂平帝元始元年始用王莽與漢紀異

【漢書孔光列傳】爲帝太傅位四輔【馬宮列傳】四輔爲國維綱

謹案漢又置少傅甄豐爲少傅與太師太傅太保並爲四輔然百官表不載蓋王莽更制所立非定制也

【漢書百官公卿表】太子太傅少傅皆秩二千石

謹案漢太子二傅屬官有太子門大夫庶子先馬舍人今析入詹事府表內此不具載

【後漢書百官志】太傅上公一人掌以善導無常職世祖以卓茂爲太傅後省其後每帝初卽位輒置太傅錄尙書事

謹案續漢書稱每帝卽位輒置太傅一人錄尙書事今考袁宏後漢紀光武中元二年明帝卽位以鄧禹爲太傅明帝紀永平十八年章帝卽位以趙熹爲太傅章帝紀章和元年和帝卽位以鄧彪爲太傅和帝紀元興元年殤帝卽位張禹爲太傅安帝紀建光四年北鄉侯卽位以馮石爲太傅順帝紀永建元年以桓焉爲太傅靈帝紀建寧元年以陳蕃爲太傅又以胡廣爲太傅中平六年獻帝卽位以袁隗爲太傅其中惟質帝紀桓帝紀未見立太傅之文而靈帝紀則兩立太傅與

司馬彪所云。微有不同。考魯相史晨祠孔廟奏銘云。時副言太傅。太尉。司徒。司空。大司農。府治所部從事。列太傅於太尉之上。後漢書樊準傳。永和初。上書五府。調省中都官吏。注云。太傅。太尉。司徒。司空。大將軍。虞詡傳。詡曰。宜令四府。九卿三公也。註云。太傅。太尉。司徒。司空。凡稱五府四府。皆首列太傅。於此見漢之太傅。重于三公也。

【通典】後漢惟有太傅一人。而無師保。董卓自稱太師。非漢本制。

謹案。後漢書趙典傳曰。公卿表典篤學博聞。宜備國師。說者以爲國師卽太師。然則後漢之不置太師。亦無其人則闕之意也。

【後漢書百官志】太子太傅一人。中二千石。職掌輔導太子。禮如師。不領官屬。太子少傅二千石。亦以輔導爲職。悉主太子官屬。【劉昭注】漢官曰。員吏十三人。

謹案。後漢紀光武紀。建武二十八年。上問羣臣。誰可傅太子者。皆曰。執金吾陰識可也。博士張佚正色曰。今陛下立太子爲陰氏乎。卽爲陰氏。則陰侯可爲。天下則固用天下之賢。上曰。善。欲置傅者。以輔太子。今博士不難正朕。況太子乎。卽拜佚爲太子太傅。而以桓榮爲少傅。然則後漢命太傅。始于卓茂。命太子太傅。始于張佚。桓榮也。又考後漢不置詹事。以少傅領東宮官屬。與西京異。其官屬自太子率更以下。別詳詹事府篇。

三國

【三國蜀志後主列傳】册曰：今以禪爲皇太子，使使持節、丞相亮授印綬，敬聽師傅，行一物而三善皆得焉，可不勉與。

謹案：華陽國志獻帝建安二十四年，先主以許靖爲太傅。章武元年，先主卽帝位，許靖爲司徒，無代爲太傅者。蓋建安二十四年，尙襲後漢之制，故設太傅。至蜀改元，或者其職，華陽國志謂蜀初闕三司之位，以待天下。晉志·三司卽太尉司徒司空·亦曰三公。太傅在三司上，蜀且闕三司之職，則太傅不常設可

知矣。又考華陽國志延熙元年，立子璿爲皇太子，瑤爲安定王，以典學從事巴西譙周爲太子家令，梓潼李譔爲僕射，皆名儒也。則後主時惟立宮官，未見設太子太傅、少傅。惟魏略曰：禪立爲太子，諸葛亮爲太子太傅。然考諸書及諸葛亮集，亮不爲太子太傅。故裴松之以爲此魚豢妄說。則册文云：敬聽師傅者，當別有其人，或先主時亦曾設此官耳。

【宋書百官志】太師、魏世不置。

【晉書職官志】魏初惟置太傅，以鍾繇爲之。後又置太保，以鄭沖爲之。

【三國魏志三少帝本紀】昔周成建保傅之官，近漢顯宗崇寵鄧禹，所以優崇雋乂，必有尊也。其以太尉爲太傅。

謹案司馬懿以太尉進太傅。且靳大司馬不與。託以朝議避忌。見晉書宣帝紀。此由曹爽等。陽以名號尊之。而陰奪其權。如漢初安國侯。以右丞相遷帝太傅耳。其後太傅置左右長史。掾屬舍人各十人。加以典兵。時又篡奪陰謀。自生亂制。非太傅職司所本有。亦非魏代之常經。故不具錄焉。

【通典】魏官九品。第三品太子保傅。

【王應麟玉海】漢魏故事。太子於二傅執弟子禮。通典。太子於二傅皆爲書。不曰令。少傅稱臣。而太傅不臣。文帝爲太子。涼茂爲

太傅。何夔爲少傅。謂之二傅。

謹案。魏世無東宮。文帝爲太子。乃魏國太子也。自後二傅之官。遂闕不著。

【三國吳志】諸葛恪列傳。恪以大將軍領太子太傅中書令。孫宏領少傅。恪更拜太傅。

謹案。吳之太傅。自諸葛格外。見於書紀者。惟陸機著論云。張昭爲師傅而已。若東宮二傅。多以他官兼領。如闕澤拜太子太傅。領中書。如故。薛綜爲太子少傅。領選職。薛瑩以選曹尙書。領太子少傅之類是也。惟張溫。吾粲。官太子太傅少傅。程秉以交趾長史。徵拜太子太傅。當爲專任耳。

晉

【晉書職官志】太宰。太傅。太保。周之三公官也。晉以景帝諱故。採周官之名。置太宰以代太師之任。秩增三司。與太傅太保皆爲上公。論道經邦。變理陰陽。無其人則闕。以安平獻王孚居之。自渡江以

後其名不替而居之者甚寡。太宰、太傅、太保爲文官，公冠進賢三梁，黑介幘。

謹案：晉以景帝之諱，改太師之官名。晉書職官志既云：改太宰，又云改太保。已自相違異。通典則云：改太師，更屬參差。然晉志明云：採周官之名，周官無太師之文，則杜佑所說爲無據。至太保雖見於周官，而古文尙書，晉初未出，所謂周官，當卽周禮。周禮有冢宰，無太保。保氏又下大夫秩，不相當，則其爲太宰，更無疑義。況宋齊相沿，並稱太宰，尤證據昭然。蓋作保者，史之誤字。惠帝紀稱齊王冏爲太師者，亦史之駁文，或其初避諱作師字，後乃定爲宰歟。

【晉荀勗薦三公保傅表】三公保傅，宜得其人。若使楊珣參輔東宮，必當仰稱聖意。

【晉書職官志】太子太傅、少傅，泰始三年始各置一人。尙未置詹事官，事無大小，皆由二傅。並有功曹、主簿、五官。太傅中二千石，少傅二千石。其訓導者，太傅在前，少傅在後。皇太子先拜，諸傅然後答之。後以儲副體尊，遂命諸公居之，以本位重。故或行或領。時侍中任愷，武帝所親敬，復使領之。蓋一時之制也。咸寧元年，以給事黃門侍郎楊珣爲詹事，掌宮事。二傅不復領官屬。及楊珣爲衛將軍，領少傅、省詹事。遂崇廣傅訓，命太尉賈充領太保，司空齊王攸領太傅。所置吏屬復如舊。二傅進賢兩梁冠，黑介幘。五時朝服，佩水蒼玉。其後太尉汝南王亮，車騎將軍楊駿，司空衛瓘、石鑿，皆領傅保。猶不置詹事。惠帝元康元年，復置詹事。二傅置丞一人，秩千石。主簿、五官掾、功曹史、主記、門下史、錄事。

戶曹、法曹、倉曹、賊曹、功曹、書佐門下、亭長門下、書佐省事各一人。給赤印安車一乘。及黃陵建宮。乃置六傅。三太三少。以景帝諱師。故改太師爲太保。晉原別有太保。此太保據前文。當爲太宰之誤。通省尙書事詹事。文書關由六傅。自元康之後。諸傅或二或三。通典無此二字。疑此衍。或四或六。渡江之後。有太傅少傅。不立師保。

【通典】晉太子六傅各有丞一人。

【司馬光資治通鑑】永熙元年。立廣陵王遙爲皇太子。以中書監何劭爲太子太師。衛尉裴楷爲少師。吏部尙書王戎爲太傅。前太常張華爲少傅。衛將軍楊濟爲太保。尙書和嶠爲少保。胡三省注晉東宮六傅。惟此時具官。

謹案。晉潘尼集有皇太子釋奠頌云。元康三年春閏月越二十四日。既齊輿駕于太學。太傅在前。少傅在後。恂恂乎宏保訓之道。考通鑑永熙元年。東宮六傅已全具。而潘尼于元康三年作頌。仍止稱太傅少傅者。蓋晉秦始初。獨有太子太傅少傅。故當時訓導之職。二傅領之。皇太子釋奠。其前後特于六傅內舉其最重者耳。

宋齊梁陳

【宋書百官志】太宰一人。太傅一人。太保一人。是爲三公。無其人則闕。

謹案。宋太宰。惟孝武帝時。以江夏王義恭爲之。以後無人。

【宋書百官志】太子太傅一人，丞一人，少傅一人，丞一人，並有功曹、主簿、五官。太傅中二千石，少傅二千石。

【南齊書百官志】齊惟置太傅。

謹案齊亦有太宰、太保，然惟以爲贈，無生得之者，故志以爲惟置太傅。

【南齊書百官志】太子太傅少傅府置丞、功曹、五官、主簿。

【南齊書王儉列傳】儉領太子少傅，舊太子敬二傅同，至是朝議接少傅以賓友之禮。

【隋書百官志】梁有太宰、太傅、太保。○太子太傅一人，位視尚書令，少傅一人，位視左僕射，置丞、功曹、主簿、五官。

謹案職官要錄曰：三少，舊視左僕射，冠服同三太也。

【隋書百官志】陳制官品秩：太宰、太傅、太保，秩萬石，品並第一；太子二傅，中二千石，品並第二。

【通典】太子六傅，自宋以下，惟有傅而無師保。

北魏

【通典】後魏以太師、太傅、太保，謂之三師、三公也。

謹案：溫子昇集有爲上黨王穆讓太宰表，考晉宋以後，江左皆名太師爲太宰，而北魏官氏志及

唐六典通典載魏官制仍稱太師不稱太宰子昇表稱太宰或當時熟習舊名相襲未改歟。

【唐六典】三師訓導之官也其名卽周之三公漢始尊師傅之位在三公上謂之上公無所統職後魏特稱三師以正其名然非道德崇重則不居其位無其人則闕之。

謹案魏淮陽王欣大統中爲太傅文帝曰王三爲太傅再爲太師自古人臣未聞此例可知三師之官在魏固甚重也。

【通典】後魏太子太師太傅太保謂之東宮三師少師少傅少保謂之東宮三少孝明在東宮宣武皇帝欲以崔光爲太子師傅光固辭帝令太子南面再拜宮臣皆從太子拜光北面立不敢答拜惟西向拜謝而出乃授光太子少傅。

北齊

【隋書百官志】後齊循後魏置太師太傅太保是爲三師擬古上公非助德崇者不居○太子太師太傅太保是爲三師掌師範訓導輔翊皇太子少師少傅少保是爲三少各一人掌奉皇太子以觀三師之德出則三師在前三少在後。

謹案魏收傳文宣除收爲太子少傅仍兼太子詹事攷隋百官志北齊設太子三師三少又別設詹事各爲專職收以太子少傅兼詹事蓋一時之制也又收未嘗爲少傅而溫特進集有冬夜酬

魏少傅直史館詩。魏收傳收爲太子少傅直史館。則太子少傅當時亦通稱少傅也。

後周

【隋書百官志】周太祖師周之建職。置三公三孤。以爲論道之官。

【周書蕭圓肅列傳】建德三年。授太子少傅。圓肅以任當師傅。調護是職。乃作少傅箴。

謹案。成周立三公三孤。王之師保。卽世子之師保。後周建官。多倣成周。故杜佑謂東宮三師三少。後周不置。然蕭圓肅之授太子少傅。明著於史。當是爲圓肅而特設者歟。

隋

【隋書百官志】三師不主事。不置府僚。蓋與天子坐而論道者也。

謹案。師、傅、保。北魏尊爲三師。北齊因之。後周依周禮。又以爲三公。隋初以爲三師。煬帝廢之。三師自漢魏以來。皆開府置僚屬。至隋因後周。不置僚屬。蓋又省三少不置也。

【隋書百官志】太子置太師、太傅、少師、少傅、少保。

唐

【舊唐書職官志】太師、太傅、太保各一員。謂之三師。並正一品。訓導之官。大抵無所統職。無其人則闕之。【通典】天寶以前。凡三師官。雖有其位。而無其人。

【唐六典】三師或親王拜者，但存其名耳。

【資治通鑑】貞觀六年，上以新令無三師官，二月丙戌，詔特置之。

謹案：此本舊唐書太宗紀，而新書百官志則云：隋廢三師，貞觀十一年復置，疑誤。

【新唐書百官志】太子太師、太傅、太保各一人，從一品，掌輔導皇太子，每見迎拜殿門，三師合拜，每門必讓，三師坐，太子乃坐，與三師書，前名惶恐，後名惶恐再拜，太子出則乘路，備鹵簿以從，少師、少傅、少保各一人，從二品，掌曉三師德行，以諭皇太子，奉太子以觀三師之道德，自太師以下，惟其人不必備。

謹案：唐貞觀以還，太子師傅皆宰相兼領，如魏徵、長孫無忌、房元齡、蕭瑀、高士廉、岑文本、于志寧等，皆領師傅之職，而房元齡、蕭瑀、高季輔等，又下兼三少，乃其後非疾廢、眊曠不任事者，卽休戎罷師，不知書者處之，而又疎棄斥逐之，越月踰時，不得召見，甚至搢紳多恥爲之，然則與是列者，非所以示尊寵，其與設官之初意，大不侔矣。

五季

【資治通鑑】安審琦曰：皇甫太師寂無音問，【胡三省注】皇甫遇，未必加官至太師也，而安審琦以太師稱之，蓋五季之世，官賞無章，當時相稱謂，不復論其品秩，就人臣極品而稱之。

【玉海】唐制太師太保爲三師太尉司徒司空爲三公並爲宰相親王使相加官五代之制司徒遷太保太保遷太傅太傅遷太尉太尉遷太師檢校者亦如之。

謹案洪邁云唐節度使帶檢校其初止左右散騎常侍如季愬在唐鄧時所稱者也後乃轉尙書及僕射司空司徒能至此者蓋少信昭以降藩鎮盛強武夫得志繼建節鉞其資級已高於是復升太保太傅太尉其上惟有太師故將帥悉稱太尉今觀胡氏所云則五季時并薄太尉而徑稱太師故遠人多呼節度使爲太師見金史世紀相沿固有所自矣此本無預於官制而史文有此稱號恐滋考證者之疑故存而訂正之焉。

【五代會要】長興四年四月以祕書監劉贊爲秦王傅時言事者請爲秦王置師傅上顧問近臣皆以秦王名勢隆盛不敢置議請自選擇乃降是命。

謹案五季凡師傅官見于新五代史各傳如馮道爲太師趙光逢爲太保安重誨爲太子太師李鏐爲太子太傅等大約一準唐制然僭濫相仍槩不足述姑著此以見一時之事云。

宋

【宋史職官志】宋承唐制以太師太傅太保爲三師爲宰相親王使相加官。凡除授則自司徒遷太保自太傅遷太尉檢校亦如之。若宰臣官至僕射致仕者在位久近或已任司徒則拜太尉太傅等官若太師則爲異

數自趙普以開國元勳。文彥博以累朝耆德。方特拜焉。政和二年九月。詔以太師太傅太保。古三公之官。今爲三師。古無此稱。合依三代爲三公。爲真相之任。仍考周制。立三孤。少師、少傅、少保。亦稱三少。爲次相之任。

【柯維騏宋史新編職官志】宣和七年。詔復三公。不領三省事。治平著令。親王不兼三師。至徽宗朝。皇子有眞授者。

【歐陽修歸田錄】皇子顥。封東陽郡王。除婺州節度使。檢校太傅。翰林賈學士黯上言。太傅天子師臣也。子爲父師。於體不順。中書檢勘。自唐以來。親王無兼師傅官者。蓋自國朝命官。祇以差遣爲職事。自三師三少以降。皆是虛名。故失於因循爾。議者皆以賈言爲當也。

【葉夢得避暑漫錄】本朝宰相。以三師致仕者。元豐以前。惟三人。趙韓王、太師、張鄧公、太傅、王魏公、太保、元豐文潞公始以太師繼之。

【陸游老學菴筆記】史魏公自少保六轉而至太師。文潞公自司空四轉。蔡太師自司空三轉。秦太師自少保兩轉而已。

【王闢之澠水燕談錄】國朝享國百三十餘年。人臣爲太師者。惟趙忠獻、文潞公二人者耳。謹案。宋三公自太祖以來。未嘗備官。獨宣和末。三公至十八人。蓋太師三人。太傅四人。太保十一

人三少不計也。又宋太師未嘗並除。紹聖初始有文彥博、吳王顥、宣和中蔡京、童貫、鄭紳、靖康初燕王俛、越王偲、紹興初秦檜、張俊、紹熙末史浩、嗣秀王伯圭、建隆至紹熙宰臣生拜太師者五。趙普、文彥博、蔡京、秦檜、史浩、惟蔡秦二人以相臣特拜。其他皆還政加恩也。親王生拜太師者五人。楚王元佐、燕王元儼、吳王顥、燕王俛、趙王偲皆以父兄行得之。嗣秀王伯圭以宗室特拜太師。蓋王于光宗爲親伯父用優禮也。又政和之制除三公三孤者必須建節。加檢校太子少保、少師之類。然後除開府儀同三司。既除開府然後除三孤三公。南渡後如張韓、劉岳諸武臣猶是如此。其後一得建節卽經除開府。至三孤三公益非舊制矣。

【宋史職官志】東宮官。太子太師、太傅、太保、太子少師、少傅、少保。

【馬端臨文獻通考】宋師傅不常設。仁宗升儲置三少各一人。李昉以參知政事兼掌賓客。及陞左相遂進兼少傅。此宰相兼宮僚之始也。丁謂兼少師。馮拯兼少傅。曹利用兼少保。是時實爲東宮官。餘多以前宰執爲致仕官。亦隨本官高下。除授太子少師、少傅、少保。以待前執政。其少師亦不輕除。若因遷轉則遞進一官。至太師卽遷司空矣。天禧末皇太子同聽政。乃以首相兼少師。自後神宗、欽宗、孝宗、光宗在東宮皆不置。

【宋史新編職官志】其後錢象祖兼少傅。史彌遠、賈似道兼少師。皆宰相兼宮僚也。

【石林燕語】國朝宰相執政。未有兼東宮職事者。天禧末，仁宗初立爲皇太子，因命宰相丁謂、馮拯、兼少師、少傅、樞密使、曹利用、兼少保，而任中正、王曾爲參知政事。錢惟演爲樞密副使，皆兼賓客。前此所無也。謂等因請，師傅十日一赴資善，賓客以下，隻日互陪侍講，從之。

謹案宋制以宰相兼宮僚。至天禧末，乃以首相兼太子少師。故宮僚特重。然宋初竇儀、左右僕射、東宮三師爲表首。議云：東宮三師爲表首，討論故實，全無證據。其左右僕射、援引制勅，合爲表首者，其事有六云云。大旨謂：上臺君父之官，東宮臣子之官，不得以東宮三師一品爲尊。然則宮僚雖以宰相充，而百官表次，仍當在僕射後。特史彌遠、賈似道之流，爲首輔而兼充少師，則東宮三師望愈重矣。

遼

【遼史百官志】南面朝官，三師府。太師、穆宗應曆三年，見太師唐古特。西番也。原作唐骨德。今改。太傅、太宗會

同元年，命馮道守太傅，太保會同元年，劉昫守太保，少師耶律資忠。傳見少師蕭巴格。原作把哥。今改正。少

傅少保掌印耶律伊遜。蒙古語。九斂也。原作乙辛。今改。重熙中掌太保印。

謹案北魏始改三公爲三師。宋政和中始復周官公孤之名。遼則太尉司徒司空自爲三公，而師傅稱三師，蓋參取北魏以來之舊制也。

【遼史百官志】南面東宮三師府。太子太師、太宗大同元年見太子太師李崧、太子太傅、世宗天祿五年見太子太傅趙瑩、太子太保、大同元年見太子太保趙瑩、太子少師、聖宗太平十一年見太子少師蕭從順、太子少傅、耶律哈里。滿洲語。有水寬甸處也。原作合里。今改正。重熙中爲太子少傅、太子少保、大同元年見太子少保馮玉。

金

【金史百官志】三師、太師、太傅、太保、各一員、皆正一品、師範一人、儀刑四海。○東宮官、宮師府、太子太師、太子太傅、太子太保、正二品、太子少師、太子少傅、太子少保、正三品、掌保護東宮、導以德義、海陵天德四年始定制、宮師府三師三少、詹事院詹事三寺十率府皆隸焉。

元

【元史百官志】三公、太師、太傅、太保、各一員、正一品銀印、以道變陰陽、經邦國、有元襲其名號、特示尊崇、太祖十二年以國王置太師一員、太宗卽位建三公、其拜罷歲月皆不可考、世祖之世其職常缺、而僅置太保一員、至成宗武宗而後三公並建無虛位、而東宮常置三師三少、蓋亦不恆有也。

謹案元視宋制、故師傅亦稱三公、而又有所謂大司徒、司徒、太尉之屬、或置或不置、則亦一時之制也。

【王圻續文獻通考】元成宗大德十一年六月時武宗已即位置宮師府立太子太師、少師、太傅、少傅、太保、少保等官。

明

【明史職官志】太師、太傅、太保爲三公，正一品。少師、少傅、少保爲三孤，從一品。掌佐天子，理陰陽，經邦宏化，其職至重，無定員，無專授。洪武三年，授李善長太師，徐達太傅。先是常遇春已贈太保三孤無兼領者。建文永樂間，罷公孤官。仁宗復設。永樂二十二年八月復置三公三少宣德三年，勅太師英國公張輔，少師吏部尚書蹇義，少傅兵部尚書華蓋殿大學士楊士奇，少師兼太子少傅戶部尚書夏原吉，各輟所領侍左右，咨訪政事。公孤之官，幾於專授。逮義、原吉、老、士奇還領閣務，自此以後，公孤皆虛銜，爲勳戚文武大臣加官贈官，而文臣無生加三公者。嘉靖二年，加楊廷和太傅，辭不受。其後文臣得加三公，惟張居正、萬曆九年加太傅，十年加太師。

【續文獻通考】明初設三公府正一品府罷，而李善長徐達以丞相兼太師太傅。

謹案明文臣自張居正外，多不敢居三公之位。故孫承宗傳云：加太傅，力辭不受。先以冊立東宮，加太保，及神宗實錄成，加官亦如之，並辭免。復以考滿詔加太傅，復辭不受。而勳臣得之者，前後凡十五人，內太師六人，太傅四人，太保五人，亦制之失中者也。

【明史職官志】太子太師、太子太傅、太子太保，並從一品，掌以道德輔導太子，而謹護翼之。太子少師、太子少傅、太子少保，並正二品，掌奉太子以觀三公之道德，而教諭焉。太子賓客，正三品，掌侍太子贊相禮儀，規誨過失。皆東宮大臣，無定員，無專授。洪武元年，太祖有事親征，慮太子監國，別設宮僚，或生嫌隙，乃以朝臣兼宮職。李善長兼太子少師，徐達兼太子少傅，常遇春兼太子少保，治書侍御史夏原吉、范顯祖兼太子賓客。三年，禮部尚書陶凱請選八專任東宮官，能兼領庶於輔導有所責成，帝諭以江充之事，可爲明鑑，立法兼領，非無謂也。由是東宮師傅止爲兼官，加官及贈官，惟永樂間成祖幸北京，以姚廣孝專爲太子少師，留輔太子，自是以後，終明世皆爲虛銜，於太子輔導之職無與也。

護案，太子賓客，唐官也。始於漢四皓之侍從太子，至武帝爲太子立博望苑使，通賓客。晉惠帝令衛庭、王略、楊恣、裴憲、華恆備太子賓友，其時雖非官，而謂之東宮賓客。唐顯慶元年，始以太子太傅兼侍中韓瑗、中書令來濟、禮部尚書許敬宗、左僕射兼太子少師于志寧，並爲皇太子賓客。遂爲官員，定置四人，掌調護侍從，規諫。凡太子有賓客之事，則爲上齒，資位間重，其流不雜。宋置二人，或以宰執兼之。太子事以師傅禮，其後相仍不替。明洪武初，徵儒士王本、杜敷、趙民望、吳源爲四輔官，兼太子賓客，位尚書上，蓋亦宮師之亞也。國朝不設斯官，故附著於此。

歷代職官表卷六十八

文武官階表

文職		
光祿大夫	九命	三代
祿大夫		秦
榮祿大夫	萬石	漢
大光祿大夫	中二千石	後漢
大榮祿大夫	萬石	三國
大光祿大夫	中二千石	晉
大榮祿大夫	第一品	宋齊
大光祿大夫	班十八	北魏
大榮祿大夫	班十七	北齊
大光祿大夫	第一品	後周
大榮祿大夫	從一品	隋
大光祿大夫	第一品	唐
大榮祿大夫	從一品	五季
大光祿大夫	第一品	宋
大榮祿大夫	從一品	遼
大光祿大夫	第一品	金
大榮祿大夫	從一品	元
大光祿大夫	第一品	明

資政大夫奉通大夫

	八命
	二千石比二千石
	二千石比二千石
	第二品
	第二品
	十六班十班
	第二品從二品
	第二品正從
	八命
	第二品從
	特進光祿大夫
	特進光祿大夫
	特進光祿大夫
	崇祿大夫
	金紫大夫 銀青大夫 榮祿大夫 光祿大夫 大祿大夫
	資政大夫 資善大夫 大善大夫 正奉大夫 通奉大夫 中奉大夫
	資政大夫 資善大夫 大善大夫 正奉大夫 通奉大夫 中奉大夫

通 議 大 夫 中 議 大 夫

七命

千石比石

千石比石

第三品

第三品

十四班十三班

第三品從三品

第三品正從

七命

第三品正從

金紫大光銀大夫
紫大光銀大夫
紫大光銀大夫

金紫大光銀大夫
紫大光銀大夫
紫大光銀大夫

金紫大光銀大夫
紫大光銀大夫
紫大光銀大夫

崇金大夫
祿紫

大資大政大善大奉
大資大政大善大奉
大資大政大善大奉

大正大議大議大議
大正大議大議大議
大正大議大議大議

大正大議大議大議
大正大議大議大議
大正大議大議大議

中 憲 大 夫 朝 議 大 夫

六命

八百石 八百石

八百石 八百石

第四品

第四品

十二班 十班

第四品 從品

第四品 從正

六命

第四品 從正

正大夫 通大夫 太大夫 中大夫 大夫

正大夫 通大夫 太大夫 中大夫 大夫

正大夫 中大夫 太大夫 中大夫 大夫

正大夫 通大夫 嘉大夫 太大夫 中大夫 大夫 少大夫 大夫

中大夫 中大夫 中大夫 中大夫 中大夫 中大夫 朝大夫 請大夫

中大夫 中大夫 中大夫 中大夫 中大夫 中大夫 朝大夫 列大夫

奉 政 大 夫 奉 直 大 夫

五命

六百石
六百石

六百石
六百石

第五品

第五品

十班

第五品
從品

第五品
正

五命

第五品
從

中大夫
議大夫
請大夫
散大夫

中大夫
議大夫
請大夫
散大夫

中大夫
奉大夫
散大夫
請大夫

中大夫
憲大夫
順大夫
議大夫
中大夫
朝大夫
朝大夫
列大夫

大奉夫
大奉夫
大奉夫
大奉夫
大奉夫
大奉夫
大奉夫
大奉夫

大奉夫
大奉夫
大奉夫
大奉夫
大奉夫
大奉夫
大奉夫
大奉夫

承	德	郎	儒	林	郎
					四命
					五百石四百石
					四百石三百石
					第六品
					第六品
					七八班
					第六品從六品
					第六品從正
					四命
					第六品從正
					朝議郎承議郎奉議郎通議郎
					朝議郎承議郎奉議郎通議郎
					朝奉郎承直郎奉直郎通直郎
					大奉夫大奉夫大奉夫大奉夫
					承直郎承直郎承直郎承直郎
					承直郎承直郎承直郎承直郎

文 林 郎 徵 仕 郎

三命

三百石
三百石

三百石
三百石

第七品

第七品

六班
五班

第七品
從七品

第七品
正

三命

第七品
從正

朝請郎 宣德郎 朝散郎 宣議郎

朝請郎 宣德郎 朝散郎 宣議郎

朝請郎 宣德郎 朝散郎 宣奉郎

承德郎 承直郎 承務郎 儒林郎

文林郎 承事郎 徵事郎 從事郎

文林郎 承事郎 徵仕郎 將仕郎

郎 佐 職 修 郎 職 修

二命

石二百

石二百

品第八

品第八

三四班

品從品第八

從品第八

二命

從品第八

給事郎 徵事郎 承奉郎 承務郎

給事郎 徵事郎 承奉郎 承務郎

給事郎 承奉郎 承務郎

文林郎 承事郎 徵事郎 從仕郎

登仕郎 將仕郎 登仕郎 佐將郎

修職郎 迪功郎 修職郎 迪功郎

登 仕 郎 登 仕 郎

一命

斗百石
食石

斗百石
食石

品第九

品第九

一二班

品從品第九

從品第九

一命

從品第九

郎將郎文郎登郎儒
仕林仕林仕林

郎將郎文郎登郎儒
仕林仕林仕林

郎將郎文郎登郎儒
仕林仕林仕林

郎將郎文郎登郎儒
仕林仕林仕林

郎將郎文郎登郎儒
仕林仕林仕林

武職 建威將軍 振威將軍

驃騎大將軍

驃騎大將軍

驃騎大將軍

開府儀同三司 特進 崇進

特進 光祿大夫 特進 大光祿大夫 特進 大光祿大夫

軍 將 功 武 軍 將 顯 武

軍大鎮軍大輔
將軍 將國

軍大鎮軍大輔
將軍 將國

軍大鎮軍大輔
將軍 將國

軍大鎮
將國

大榮大光大榮銀大光金
夫祿夫祿夫祿青夫祿紫

軍上鎮軍上奉將衛驃將衛金將衛龍
將國 將國軍上騎軍上吾軍上虎

將鎮將定將奉將驃將金將龍
軍國軍國軍國軍騎軍吾軍虎

尉 都 翼 武 尉 都 義 武

將歸軍大歸將雲將懷軍大懷軍大冠
軍德 將德軍慶軍化 將化 將軍

將歸軍大歸將雲將懷軍大懷軍大冠
軍德 將德軍慶軍化 將化 將軍

將歸將雲軍大懷軍大冠
軍化軍慶 將化 將軍

軍上鎮軍上輔軍上奉將衛驃將衛金將衛龍
將國 將國 將國軍上駙軍上吾軍上虎

軍大懷軍大安軍大昭軍大昭軍大昭
將遠 將遠 將毅 將勇 將武

將懷將安將定將昭將昭將昭
軍遠軍遠軍遠軍勇軍毅軍武

昭 武 都 尉 宣 武 都 尉

將中歸將明將宣將中懷將壯將忠
郎德軍威軍威 郎化軍武軍武

將中歸將明將宣將中懷將壯將忠
郎德軍威軍威 郎化軍武軍武

將明將宣將壯將忠
軍威軍武軍武軍武

軍大懷軍大定軍大安軍大昭軍大昭軍大昭
將遠 將遠 將遠 將勇 將毅 將武

將宣將顯將信將明將宣將廣
軍武軍武軍武軍威軍威軍威

將宣將顯將信將明將宣將廣
軍武軍武軍武軍威軍威軍威

尉 騎 佐 德 武 尉 騎 德 武

郎歸將游將游郎懷將寧將定
將德軍擊軍騎將化軍遠軍遠

郎歸將游將游郎懷將寧將定
將德軍擊軍騎將化軍遠軍遠

將游將游將寧將定
軍騎軍擊軍遠軍遠

將宜將顯將信將明將宜將廣
軍武軍武軍武軍威軍威軍威

將武將武將武將武
軍略軍毅軍德軍節

將武將武將武將武
軍略軍毅軍德軍節

尉 校 佐 武 修 尉 校 武 修

長執歸副陪校陪具執懷副仁校仁
上戟德尉戎尉戎上戟化尉勇尉勇

長執歸副陪校陪長執懷副仁校仁
上戟德尉戎尉戎上戟化尉勇尉勇

副陪校陪副仁校仁
尉戎尉戎尉勇尉勇

副進副保校進校保
尉表尉表尉義尉義

文武官階

國朝官制

光祿大夫正一品·榮祿大夫從一品·資政大夫正二品·通奉大夫從二品·通議大夫正三品·中議大夫從三品·中憲大夫正四品·朝議大夫從四品·奉政大夫正五品·奉直大夫從五品·承德郎正六品·儒林郎從六品·文林郎正七品·徵仕郎從七品·修職郎正八品·修職佐郎從八品·登仕郎正九品·登仕佐郎從九品。

以上文官階。若吏員出身者。其從六品、正七品、俱爲宣德郎。不及九品者。爲未入流。初制一品正從俱光祿大夫。後從一品改榮祿大夫。凡官階五品以上爲誥授。六品以下爲敕授。武官亦如之。

建威將軍正一品·振威將軍從一品·武顯將軍正二品·武功將軍從二品·武義都尉正三品·武翼都尉從三品·昭武都尉正四品·宣武都尉從四品·武德騎尉正五品·武德佐騎尉從五品·武略騎尉正六品·武略佐騎尉從六品·武信騎尉正七品·武信佐騎尉從七品·奮武校尉正八品·奮武佐校尉從八品·修武校尉正九品·修武佐校尉從九品。

以上武官階。初提督總兵官。或加都督及都督同知僉事等銜。其左右都督俱爲正一品。後裁去加銜。定提督爲從一品。故武階至從一品而止。又正一品、從一品。初俱爲榮祿大夫。正二品爲驃騎將軍。從二品爲驍騎將軍。正三品爲昭勇將軍。從三品爲懷遠將軍。正四品爲明威將軍。從四品爲宣

武將軍正五品爲武德將軍。從五品爲武略將軍。正六品爲昭信校尉。從六品爲忠顯校尉。正七品爲奮力校尉。其旗員武職。初有封承德郎、文林郎者。亦改照漢人之例。其旗員之八九品武職。仍依舊爲修職郎、登仕郎。後又改從一品爲振威大夫。正二品爲武顯大夫。從二品爲武功大夫。正三品爲武義大夫。從三品爲武翼大夫。正四品爲昭武大夫。從四品爲宣武大夫。正五品爲武德郎。從五品爲武略郎。正六品爲武信郎。從六品爲武信佐郎。正七品爲奮武郎。乾隆五十一年。欽奉諭旨。武職階級。自應與文臣相埒。今文職則係正一品起。而武職則係從一品起。顯然少予一階。且文職自正一品至從九品共十八階。武職自從一品至七品止十一階。多寡顯有懸殊。所有武職人員。現在所缺正一品之階。應照朕前次欽定領侍衛內大臣將軍爲正一品之例。增入一階。其自正七品以下。較文職所少之五階。亦應於內外武職衙門微末員弁內。按其職守酌定。正從照文職一體釐正。以昭畫一。再舊例武官正從一品俱封榮祿大夫。正二品至從五品俱封將軍。既未爲允當。嗣更定新例。則皆稱大夫。因思將軍爲專闔主帥。大夫係文臣之稱。乃舊例則封將軍。而今又更封大夫。名義殊覺紊淆。嗣後武職正一品至從二品俱應封爲將軍。正三品至從九品應分別酌與都尉、騎尉、校尉等字樣。遞爲差等。以示區別。著軍機大臣會同大學士、吏、兵二部詳晰定議具奏。遵旨。奏准武職自正一品領侍衛內大臣起。至從八品止。共十六階。又自從一品提督起。至正七品。共十一階。較

之文職。自大學士起。至從九品止。共十八階。似覺參差。惟查文職之十八階。乃合內外統計。始有此數。武職合內外統計。止有十六階。較之文職。少正九從九二階。應遵旨增設。所增官階。查八旗有藍翎長。太僕寺。委署固山達。向無品級。今應將藍翎長。作爲正九品。太僕寺。固山達。作爲從九品。又綠營七品以下。未經設有官階。查有經制外委千總。外委把總。及額外外委。亦向無品級。今應將經制外委千總。作爲正八品。經制外委把總。作爲正九品。額外外委。作爲從九品。增入官階。內外合計。以足十八階之數。與文職相埒。至封典名號。謹遵諭旨。一二品俱封爲將軍。三四品俱封爲都尉。五六七品俱封爲騎尉。八九品俱封爲校尉。仰見我皇上綜理萬機。闡宏六典。念文武有兼資之職。守斯官階。有並重之章程。令甲昭垂。百代不易。伏考官之有階。古名散官。武散官階。唐列四十有五。宋列三十有一。金列四十有二。元列三十有四。明列三十。然散冗失制。如唐制同一從四品。而分上下。上曰宣威將軍。下曰明威將軍。又曰歸德中郎將。推之五品以下。皆然。義例不明。繁簡寡當。金制自從二品以上。仍襲文階名號。正三品以下。乃列將軍。校尉。副尉之名。則文武之資。相混淆也。元列階至八品而止。明列階至六品而止。則較文資過爲簡略。豈如我皇上設官分職。陳殷置輔。無不甄覈名實。審挈重輕。武階之數。旣並埒乎文資。而干城之寄。其稱名亦與文資迥異。定階銜節級之顯秩。寓酬庸勵武之微權。貔虎桓桓。有不果敢奮職者歟。

歷代建置

謹案周以九命正邦國之位。而國語曰：內官不過九御，外官不過九品。則九品之名，其來舊矣。曹魏始定九品之制，至梁分爲十八班，而九品不廢。北魏以九品分正從，隋唐以來因之。然品既分正從，而正從之中，又有上階下階之分，與夫陞授加授之別，或析而四，或析而六，名稱叢互，遷改靡定，而等列反因之。滋晦。散官之號，肇見于隋。隋開皇之制，以居曹有職務者爲職事官，其無職務者爲散官。故有特進、左右光祿大夫、金紫光祿大夫、銀青光祿大夫、朝議大夫、朝散大夫等號，並爲散官。然漢制光祿大夫、太中大夫、議郎、中郎、侍郎、郎中，皆無員，多至數十人，而特進奉朝請，亦皆無職守。優游祿秩，卽如成都侯王商，以特進領城門兵，置幕府，得舉吏，亦正是加官攝官之例，而非以爲正職。則官之有散，自漢已有之。魏晉以後，或置左右光祿、金紫光祿、太中、中散等大夫，並無員，以優耆宿。北魏又嘗置散官五等，其品第五至第九百官有闕，則取其中以補之。蓋當時之仕于朝者，不任以事，則置之散官，此正如後世宮觀設官之比，而亦以儲才需用，且得與諸執事官均其勞佚也。逮唐因隋制，乃雜採以爲階秩之目。凡入仕者，皆帶散位，謂之本品。又參取前代之散號將軍、益以校尉，以爲武散官。其武騎、屯騎等尉，在隋比曹郎者，則一歸之於勳官，而散官始定爲虛號矣。若夫勳號出於周齊交戰之際，本以酬戰士，其後漸及朝流階爵之外，自爲

節級周置上開府儀同三司等十一號。隋有上柱國以下總十一等以賞勛勞。其後屢有增改。唐永徽以後以國初勛號與散官頗多同名。年月既久漸相錯亂。咸亨五年三月更下詔申明。各以類相比。所謂武德初光祿大夫比今日上柱國者。卒之名目猥多。無裨政體。相沿至明。柱國以下文武各爲勛號。而制又一變。夫勛自爲勛。本不與階爲附麗。故唐時有功者或敍階。或賜勛。尙能隨事分授。以寓一時之微權。初無層積坐進之故。自宋以降。每遇郊賞。若考滿者。其勛若若干級。進階若干等。卽並舉而予之。故明人有言。有階特進而勛止。柱國者未有左柱國。不帶特進者。然則旣無相濟之用。正無取此相混之名矣。我國家稽古建官。循名責實。文官之階定爲九品。品有正從。凡十八等。武階自從一品至從七品。凡十二等。嗣復欽遵諭旨。定爲十八等。文以大夫。郎爲稱。武以將軍。都尉。騎尉。校尉爲稱。盡革漢唐以來散號勛號雜號之制。洵爲法則精而密。施于事則簡而易知者矣。茲表文武官階。先撮其概。而以歷代沿革之故。條具于後。至前代文武階不分子之。自唐始。故武階表亦自唐始。而隋以上不復贅列云。

三代

【禮記王制】王者之制祿爵。公、侯、伯、子、男、凡五等。諸侯之上大夫、卿、下大夫、上士、中士、下士、凡五等。【鄭康成注】爵秩次也。上大夫曰卿。【孔穎達疏】此大都總記三王制度。

謹案公、侯、伯、子、男、至中士、下士、爵也。古無爵與階之分，爵即階也。故諸侯之卿、大夫、士與諸侯並列爲爵。秦漢以降，爵爲酬庸之號，而百職事之在列者，各循資以進階，始與爵分矣。故錄此以著緣起，而表則託始于周焉。

【國語】外官不過九品。

【周禮春官】大宗伯以九儀之命，正邦國之位，壹命受職。【鄭康成注】始見命爲正吏。謂列國之士。子子男爲大夫。王之下士亦一命。再命

受服。【注】鄭司農云爲上士。康成謂列國之大夫。再命于子男爲卿。王之中士亦再命。三命受位。【注】鄭司農云受下大夫之位。康成謂此列國之卿。王之上士亦三命。四命受器。【注】

農云爲上大夫。康成謂此公之孤也。王之下大夫亦四命。五命賜則。【注】鄭司農云出爲子男。康成謂王之下大夫四命出封。加一等五命。六命賜官。【注】鄭司農云子男入

命之卿。七命賜國。【注】王之卿六命出封。加一等者。八命作牧。【注】鄭司農云一州之牧。九命作伯。【注】上公有功德。加命爲

方伯。典命掌諸侯之五儀，諸臣之五等之命，上公九命爲伯，侯伯七命，子男五命，王之三公八命，其

卿六命，其大夫四命，及其出封，皆加一等，公之孤四命，其卿三命，其大夫再命，其士一命，侯伯之卿，

大夫、士亦如之，子男之卿再命，其大夫一命，其士不命。

謹案王之下士一命，于周禮無正文，後鄭以序官有上士、中士、下士之名，又典命大夫四命之下

空文，宜有三命、二命、一命，故云王之下士一命。若先鄭以再命爲上士，則王之中士、下士以爲同

一命可知也。九命上公得置孤卿一人，周制二王之後稱公，春秋有虞公、虢公、州公，均不見有孤

惟晉有太傅陽子與太師賈佗蓋晉爲方伯立孤容與公同然有孤二人僭也王制云小國之卿與下大夫一命與此卿命異者王制多據夏殷故容有不同也

秦

【漢書百官公卿表】爵一級曰公士二上造三簪褭四不更五大夫六官大夫七公大夫八公乘九五大夫【顏師古注】五大夫大夫之尊也十左庶長十一右庶長十二左更十三中更十四右更十五少上造十六大上造十七駟車庶長十八大庶長十九關內侯二十徹侯皆秦制

謹案劉劭曰春秋傳有庶長鮑商君爲政備其法品爲十八級合關內侯列侯凡二十等其制因古義古者天子寄軍政於六卿啓戰于甘乃召六卿大夫之在軍爲將者也周之六卿亦以居軍在國則以比長閭胥族師黨正州長鄉大夫爲稱其在軍則以卒伍司馬將軍爲號所以異在國之名也秦依古制其在軍賜爵爲等級其師人皆更卒也有功賜爵則在軍吏之例自一爵以上至不更四等皆士也大夫以上至五大夫五等比大夫也九等依九命之義也自左庶長以上至大庶長九卿之義也馬端臨曰秦爵二十等其十八等自大庶長以下又似官也考春秋時秦已有庶長不更之號至孝公以衛鞅爲左庶長惠文王以樞里疾爲庶長昭襄王以白起王齕爲左庶長又商鞅爲大良造司馬貞曰即大上造也白起犀首皆爲大良造白起樞里疾亦爲左右更王陵司馬

喜皆爲五大夫。然則似惟二等之侯爲特賜之號。而大庶長以下之十八級者。皆有位于朝。循級遞進。而非專在軍吏之列者矣。故著此以存一代之制。而表則不具云。

漢

【章如愚山堂考索】漢世公有三等。太師、太傅、太保爲三公。大將軍、驃騎、車騎將軍爲比公。卿有三等。前後左右將軍爲上卿。太常至少府皆稱正卿。執金吾、太子太傅、將作少府、詹事、大長秋、水衡都尉、京兆、馮翊、扶風爲陪卿。大夫有三等。二千石爲上大夫。千石爲中大夫。六百石爲下大夫。大夫之下復有士。

謹案杜佑曰。漢以太常、光祿勳、衛尉、太僕、廷尉、大鴻臚、宗正、大司農、少府。謂之九寺。大卿其所列本於後漢百官志。然漢書公卿表又載有執金吾、京兆尹、左馮翊、右扶風、及水衡都尉。不在此九卿之數。考史載汲黯、朱買臣爲主爵都尉。後爲右扶風。列於九卿。鄭當時至九卿爲內史。後爲京兆尹。寧成

爲中尉。後爲執金吾。

徙內史亦稱九卿。石建傳稱左內史。

後爲左馮翊。

減宜爲九卿。張敞爲京兆尹。上書言

臣前備位列卿。王尊爲京兆尹。御史奏尊不宜備位九卿。毋將隆爲執金吾。詔稱隆位九卿。惟水衡都尉則襲遂傳云。上以遂年老不任公卿。拜爲水衡都尉。而于定國傳亦云。遷水衡都尉。超爲廷尉。似水衡都尉在列卿之中。又特爲冗散者。然公卿表亦列之。則名曰九卿。實則十四卿也。又

古者天子諸侯皆名執政。大臣曰正卿。見徐堅初學記其下爲大夫。士自周以來始有三公九卿之號。漢世九卿無卿字。而九卿大率多秦漢官也。故存其概於此。其後亦不具云。

【杜佑通典】漢官秩差次。中二千石。二千石。比二千石。八百石。比八百石。六百石。比六百石。五百石。四百石。自四百石至二百石。爲長吏。比四百石。三百石。比三百石。二百石。百石。自百石以下。有斗食佐史之秩。爲少吏。

謹案漢官之制。定名以祿。百石而上。差等十六。此爲後世品秩所自始。若丞相、太尉、司徒、司空。不在此目。蓋漢制三公號稱萬石。其秩崇矣。又王莽改中二千石曰卿。二千石爲上大夫。比二千石爲中大夫。千石爲下大夫。六百石爲元士。五百石爲命士。四百石爲中士。三百石爲下士。百石秩曰庶士。事無足錄。然與古相準。故附著於此。

【通典】後漢官秩差次。中二千石。二千石。比二千石。千石。比千石。六百石。比六百石。四百石。比四百石。三百石。比三百石。二百石。比二百石。百石。斗食佐史。

謹案後漢官秩之次。大率多仍舊制。惟無八百石。比八百石。五百石。而增比二百石耳。

三國

【通典】魏官置九品。第一品。第二品。第三品。第四品。第五品。第六品。第七品。第八品。第九品。

謹案魏官品之制。卽周之所謂九命。漢之所謂祿石。皆所以辨高卑之等級。其制始定于魏。後世雖互有沿革。而卒莫能易。而或者謂魏延康元年二月。尙書陳羣。以天朝選用不盡人材。始立九品官人之法。是時魏未受禪。蓋亦漢法也。擇以州郡之賢有識鑒者。區別人物。第其高下。而通典所載。魏官自黃鉞大將軍。至諸州郡防門。明列品第。或當時循陳羣之法。謂某品人。則可登某品。所謂品者。逆設以待其人。益遠益訛。遂爲官秩之定論。此其說非也。夫通典所謂九品者。官品也。以別官之崇卑。陳羣所謂九品者。人品也。以定人之優劣。二者皆出于曹魏之初。皆名以九品。然人品自爲人品。官品自爲官品。卽劉毅。衛瓘。論中正九品之敝。所云。上品無寒門。下品無勢族。及云。計資定品。使天下觀望。惟以居位爲貴人者。蓋如後世權貴之人。挾勢博科第。干薦舉之類。而非謂中正者。逆設此官之品目。以待所品之人也。

【三國吳志三嗣主列傳】永安二年三月。備九卿官。

謹案。三國鼎峙之際。連祚日淺。稽古之事。宜多未備。觀吳至此。始備九卿。而蜀又不設史官。則其官品之闕略可知也。

晉

【通典】魏置九品。晉因之。

謹案晉書李重列傳。重上書曰。建樹官司。功在簡久。階級少則人心定。久其事則政化成。而能否著。然晉官亦爲九品。其祿秩差次。大約亦如漢制。而李重以爲階級宜少者。疑當時人多倖進。遷轉紛繁。故請爲之裁制。非晉于九品之外。又有所增設也。

宋齊梁陳

【隋書百官志】職官之制。魏晉繼及。大抵略同。爰及宋齊。亦無改作。梁武受命之初。官班多同宋齊之舊。天監初。命尙書刪定。郎濟陽蔡法度。定令爲九品秩定。帝于品下注。一品秩爲萬石。第二、第三、爲中二千石。第四、第五、爲二千石。至七年。革選徐勉爲吏部尙書。定爲十八班。以班多者爲貴。同班者則以居下者爲劣。又詔以將軍之名。高卑舛雜。命更加釐定。於是有司奏置一百二十五號將軍。凡十品。二十四班。亦以班多爲貴。其制品十。取其盈數。班二十四。以法氣序。制簿悉以大號居後。以爲選法。自小遷大也。其不登二品。應須軍號者。凡十四號。別爲八班。以象八風。所施甚輕。又有一百九號將軍。亦爲十品。二十四班。五施于外國。選序依此承用。轉則進一班。黜則退一班。班卽階也。班以優劣爲前後。

謹案。梁定班法。與品互用。其十八班。官有清濁。自十二班以上。並詔授表啓不稱姓。從十一班至九班。禮數復爲一等。又流外有七班。寒微士人爲之。從此班者。方得進登第一班。夫梁承齊後者。

也。品秩之定久矣。而蔡法度之所定。其所以寓禮數者。不附於品。而列之以班。意自齊而上。未有班次。則禮數亦附于品。梁既立班。以爲禮文之節。卽品非所專用。而易以爲班。若謂班專爲選事。而設。則丞相、太宰、太傅等官。爲第十八班。初不關選法。或謂品制不廢。班與品疑相須而成。然將軍之號二百四十八。爲班凡五十六。班制之多。乃如此。亦又何假于品也。要之梁制品尙寡。故自九而一。乃極于丞相。班尙繁。故自一而十八。亦極于丞相。班多者品貴。品少者班尊。二者相爲用。而貴賤等差。於此參見而互明耳。

【隋書百官志】陳遵梁制爲十八班。而官有清濁。又有戎號。擬官自一品至於九品。凡二百三十七。諸將起自第六品以下。板則無秩。其雖除不領兵。領兵不滿百人。并除此官。而爲州郡縣者。皆依本條減秩石。二千石減爲千石。千石降爲六百石。自四百石降而無秩。其州郡縣自各以本秩論。凡板將軍皆降除一品。諸依此減降品秩。

謹案。陳制相國、丞相、等官。品爲第一。其秩萬石。中二千石。有差。自此以下。明列爲九。其秩自中二千石至二百石。有差。亦爲十八班。其官惟論清濁。從濁得官。微清則勝于轉。大抵並遵梁制也。

北魏

【魏書官氏志】皇始元年。始建曹省。備置百官。天興元年十一月。詔吏部郎鄧淵典官制。立爵品。太和。中。高祖詔羣寮議定百官。著于令。二十三年。高祖復次職令。世宗初頒行之。以爲永制。前世職次。

皆無從品。魏氏始置之，亦一代之別制也。

謹案：魏氏之初，法制簡略，設官分職，罕依故實。既列九品，又有從品，而每品又有上中下三等之差。蓋一品之間，析而爲六。此太和十八年之制也。至二十三年，高祖復次職令，三師二大，乃不入品。其四品以下，每品及從品，又各分爲上下階，則一品之中，猶析而四，誠一代之別制矣。

北齊

【隋書百官志】後齊制官，多循後魏。

謹案：齊遵魏制，九品各有從，其三師三大，亦入第一品，則猶是魏太和之初制也。又有流內比視官十三等，自視從第三品起，至視從第九品止，惟此與魏異耳。

後周

【隋書百官志】周太祖命尙書盧辨遠師周之建職，其所制班序：三公九命，三孤八命，六卿七命，上大夫六命，中大夫五命，下大夫四命，上士三命，中士再命，下士一命，諸公九命，諸侯八命，諸伯七命，諸子六命，諸男五命，諸公之孤卿四命，侯之孤卿，公之大夫，三命，子男之孤卿，侯伯之大夫，公之上士，再命，子男之大夫，公之中士，侯伯之上士，一命，公之下士，侯伯之中士，下士，子男之士，不命。

謹案：北周謂王朝之官爲內命，諸侯及州縣官爲外命，而九命之中，又分爲正命，亦猶魏之上下

階也。通典所載。後周官品。太師、太傅、太保、王爵、國公。俱列正九命。而周書盧辨傳無之。明爲史之闕文矣。辨所述六官。太祖以魏恭帝三年。始命行之。厥後世有損益。宣帝嗣位。事不師古。官員班品。隨意變革。朝出夕改。蓋亦莫能詳錄也。

隋

【山堂考索】隋開皇中。有正從九品上下階。

【隋書百官志】又有流內視品十四等。又有流外勳品。二品、三品、四品、五品、六品、七品、八品、九品之差。又視流外亦有視勳品。視二品、視三品、視四品、視五品、視六品、視七品、視八品、視九品之差。極于胥吏。皆無上下階。煬帝卽位。多所改革。三年。定令品。自第一至於第九。惟置正從。而除上下階。其朝之班序。以品之高卑爲列。自一品至九品。置光祿等九大夫。建節等八尉。以爲散職。

謹案。官之有品。自曹魏始。品之有從。乃自元魏始。顧元魏列品。第曰第幾品。從幾品。而未目爲正從。高齊始別之。至隋而曰正曰從。截然不可紊矣。隋九品各有正從。自四品以下。每品分爲上下。凡十三階。自太師至諸樂師。謂之流內。流內自此始焉。又置視正二品至九品。品各有從。自行臺尙書令至公國侍郎。謂之視流內。視流內自此始焉。又煬帝自三年定令之後。驟有制置。制置未久。隨復改易。其餘亦不可備知云。

【新唐書百官志】吏部郎中掌文官階品。凡文官九品。有正有從。自正四品以下有上下。爲三十等。凡文散階二十九。從一品曰開府儀同三司。正二品曰特進。從二品曰光祿大夫。正三品曰金紫光祿大夫。從三品曰銀青光祿大夫。正四品上曰正議大夫。正四品下曰通議大夫。從四品上曰太中大夫。從四品下曰中大夫。正五品上曰中散大夫。正五品下曰朝議大夫。從五品上曰朝請大夫。從五品下曰朝散大夫。正六品上曰朝議郎。正六品下曰承議郎。從六品上曰奉議郎。從六品下曰通直郎。正七品上曰朝請郎。正七品下曰宣德郎。從七品上曰朝散郎。從七品下曰宣議郎。正八品上曰給事郎。正八品下曰徵仕郎。從八品上曰承奉郎。從八品下曰承務郎。正九品上曰儒林郎。正九品下曰登仕郎。從九品上曰文林郎。從九品下曰將仕郎。

謹案。後漢延平元年。鄧隲爲車騎將軍。儀同三司。儀同之名。自此始也。魏黃初三年。黃權爲車騎將軍。開府儀同三司。開府之名。自此始也。其品第一。梁班第十七。陳秩萬石。北齊從一品。後周置上開府儀同三司。開府儀同三司。上儀同三司。儀同三司。等十一號。以酬助勞。隋因之。唐惟置開府儀同三司爲散官。品特進。兩漢及魏晉皆以爲加官。從本官服。品第二位。次諸公下。在開府驃騎上。梁班第十七。北齊爲第二品。隋爲正二品散官。而唐因之。秦郎中令屬官有中大夫。漢太初

元年更名光祿大夫秩比二千石。晉太始初分爲左右皆銀章青綬。若加金章紫綬者爲金紫光祿大夫。自晉以後皆爲兼官。光祿大夫梁班第十三。後魏初從第一品。後改第二品。後周正八品。隋爲正一品散官。後改光祿大夫爲從一品。左光祿大夫正二品。右光祿大夫從二品。唐初猶有左右貞觀後惟有光祿大夫。金紫光祿大夫。梁第十四班。陳爲中二千石。北齊從二品。隋因爲散官。後改爲正三品。銀青光祿大夫。北齊三品。隋爲正三品散官。後改從三品。然金紫銀青合居光祿之上。今反居下。則北魏定令之誤也。正議大夫通議大夫俱隋置。太中大夫本秦官。秩比千石。梁班第十一。北齊從第三品。中大夫。北齊爲第四品。中散大夫。後漢置秩六百石。或曰王莽所置。梁班第十。朝議大夫。隋置爲從三品散官。朝請大夫。隋置爲正五品散官。朝散大夫。隋置爲正四品散官。後改從五品。又宋齊梁陳北魏北齊諸九品散官皆以將軍爲品秩。謂之加戎號。隋開皇六年始置六品以下散官。並以郎爲正階。尉爲從階。正六品上爲朝議郎。下爲武騎尉。從六品上爲通議郎。下爲屯騎尉。正七品上爲朝議郎。下爲驍騎尉。從七品上爲朝散郎。下爲游騎尉。正八品上爲給事郎。下爲飛騎尉。從八品上爲承奉郎。下爲旅騎尉。正九品上爲儒林郎。下爲雲騎尉。從九品上爲文林郎。下爲羽騎尉。煬帝又置八郎八尉。六品置建節尉。奮武尉。七品置宣惠尉。綬德尉。八品置懷仁尉。守義尉。九品置奉誠尉。立信尉。並爲正從。又六品置承議郎。通直郎。七品置

宣德郎、朝散郎、八品置登仕郎、將仕郎、九品置常從郎、奉信郎、亦爲正從。唐以郎爲文職，尉爲武職。遂採開皇大業之制，以爲六品以下散官焉。

【唐六典】凡敘階之法，有以封爵，有以親戚，有以勳庸，有以資廕，有以秀孝，有以勞考，有以陰免而復敘者，皆循法以申之。凡應入三品五品者，皆特別制而進之。不然則否。凡文武百僚之班，敘官同者先爵，爵同者先齒。

謹案唐制流內九品三十階之外，初又有視流內，起正五品至從九品，又有流外，自動品以至九品，流外自此始。又有視流外，亦自動品以至九品。開元初，乃稍罷之。蓋亦患其繁冗，而思所以釐正之矣。

【舊唐書職官志】兵部郎中掌天下武官以階品。凡敘階有二十九。凡敘階之法，亦如文散官之制。【新唐書百官志】武散階四十有五。從一品曰驃騎大將軍，正二品曰輔國大將軍，從二品曰鎮軍大將軍，正三品上曰冠軍大將軍，懷化大將軍，正三品下曰懷化將軍，從三品上曰雲麾將軍，歸德大將軍，從三品下曰歸德將軍，正四品上曰忠武將軍，正四品下曰壯武將軍，懷化中郎將，從四品上曰宣威將軍，從四品下曰明威將軍，歸德中郎將，正五品上曰定遠將軍，正五品下曰寧遠將軍，懷化郎將，從五品上曰游騎將軍，從五品下曰游擊將軍，歸德郎將，正六品上曰昭武校尉，正六品

下曰昭武副尉、懷化司階、從六品上曰振威校尉、從六品下曰振威副尉、歸德司階、正七品上曰致果校尉、正七品下曰致果副尉、懷化中候、從七品上曰翊麾校尉、從七品下曰翊麾副尉、歸德中候、正八品上曰宣節校尉、正八品下曰宣節副尉、懷化司戈、從八品上曰禦侮校尉、從八品下曰禦侮副尉、歸德司戈、正九品上曰仁勇校尉、正九品下曰仁勇副尉、懷化執戟長上、從九品上曰陪戎校尉、從九品下曰陪戎副尉、歸德執戟長上。

謹案漢元狩二年霍去病爲驃騎將軍、秩等大將軍、梁班第二十四、後周九命、隋正四品、唐爲武散官、輔國將軍、後漢置、晉王濬拜輔國大將軍、後周七命、隋從六品、鎮軍、冠軍、俱魏置、後周鎮軍八命、冠軍七命、隋並正六品、雲麾將軍、梁班第十八、忠武將軍、梁班第十九、壯武將軍、梁班第十六、明威將軍、定遠將軍、梁班並第十二、寧遠將軍、晉置、游騎將軍、魏置、游擊將軍、漢置、宣威將軍、唐置、其懷化、歸德等號、並唐置、以授蕃官、若校尉之號、漢始有之、隋置武騎等十六尉、以爲六品以下從階、唐乃採前代諸校尉舊名置、自正六品以下、各有副尉、爲武散官云。

五季

〔范質五代通錄〕馮道自敘云、階自將仕郎、至開府儀同三司。

謹案五代之典章紊矣、然官階大約一如唐制、故著此以存其概。

【宋史職官志】宋官人受授之別。有官、有職、有差遣。官以寓錄秩。敘位著職。以待文學之選。而別爲差遣。以治內外之事。其次又有階、有助、有爵。

【柯維騏宋史新編職官志】官無常員。亦無專職。悉分領中外差遣。官惟寄祿而已。神宗論輔臣。做唐六典酌古今而肇新之。元豐三年。命官詳定。於是寄祿以階。而百司各還所職。其後徽宗增文武階。高宗釐郎大夫之序。實詳且備。遂爲永制云。

【宋史職官志】文散官二十九。開府儀同三司。從一。特進。正二。光祿大夫。從二。金紫光祿大夫。正三。

銀青光祿大夫。從三。正奉大夫。正四上。中奉大夫。正四。太中大夫。從四上。中大夫。從四。中散大夫。正五。

上階。朝奉大夫。正五。朝散大夫。從五上。朝請大夫。從五。朝奉郎。正六上。承直郎。正六。奉直郎。從六上。

通直郎。從六。朝請郎。正七上。宣德郎。正七。朝散郎。從七上。宣奉郎。從七。給事郎。正八上。承事郎。正八。

承奉郎。從八上。承務郎。從八。儒林郎。正九上。登仕郎。正九。文林郎。從九上。將仕郎。從九。

謹案。宋初沿唐制設文階。而等級小異。以開府儀同三司爲宰臣使相階。以光祿大夫、金紫光祿大夫、正奉大夫爲執政階。朝散大夫、朝請大夫、朝奉郎、宣德郎、承事郎、承奉郎、儒林郎、文林郎、登仕郎、將仕郎以上爲京朝官。至侍從階凡十有五。元豐中。李清臣論國朝踵襲近代之弊。牙校有

銀青光祿大夫階。蓋唐自肅代以後，官賞冗濫，久而益失。下至州郡胥吏軍班校伍，一命便帶銀青光祿大夫階，殆與無官者等。後唐長興二年，詔不得薦銀青光階爲州縣官，賤之至矣。宋改官制，乃稍釐正之。惟除授蕃官，猶用此制。如三班借差、三班差使，或悉帶銀青光祭酒，而等第加勳焉。

【邵博聞見後錄】元豐三年，初行官制，以階易官。寄祿新格，中書令、侍中、同平章事爲開府儀同三司，左右僕射爲特進，吏部尚書爲金紫光祿大夫，五曹尚書爲銀青光祿大夫，左右丞爲光祿大夫，六曹侍郎爲正議大夫，給事中爲通議大夫，左右諫議爲太中大夫，祕書監爲中大夫，光祿卿至少府監爲中散大夫，太常至司農少卿爲朝議大夫，六曹郎中爲朝請、朝奉、朝散大夫，凡三等。員外郎爲朝請、朝奉、朝散郎，凡三等。起居舍人爲朝散郎，司諫爲朝奉郎，正言、大常、國子博士爲承議郎，太常祕書、殿中丞爲奉議郎，太子中允、贊善大夫、中舍、洗馬爲通直郎，著作、佐郎、大理寺丞爲宣德郎，光祿、衛尉寺將作監丞爲宣議郎，大理評事爲承事郎，太常寺太祝、奉禮郎爲承奉郎，祕書省校書郎、正字將作監主簿爲承務郎。

謹案宋初各曹遷轉，皆自有流品。元豐新制，以階易官，乃雜取唐制及祖宗舊制而損益之，定爲二十四班，以之寄祿，而品秩之別遂無他名。此階與官之所由相混也。然品秩之別亦於斯可見。故具著之。又元豐初三光祿、正議、中散、朝議、六階各分左右，詞人爲左，餘人爲右。旣而寄祿官並

分左右。紹聖三年。詔寄祿轉正議大夫。光祿大夫。銀青光祿大夫。分左右。朝請大夫。中散大夫。亦仍舊存左右。餘並罷之。崇寧初。因刑部尙書鄧洵武請。又換選人七階。三京府判官等官。爲承直郎。節度掌書記等官。爲儒林郎。防團判官等官。爲文林郎。防團推官等官。爲從事郎。縣令等官。爲通仕郎。試階知縣等官。爲登仕郎。三京軍巡判官等官。爲將仕郎。大觀初。又增宣奉。正奉。中奉。奉直。四階。政和末。又改通仕郎爲從政郎。登仕郎爲修職郎。將仕郎爲迪功郎。而寄祿之制始備。紹興舉行元祐之法。亦分左右。至淳熙始並去左右字。而自開府至迪功。凡三十七階如故焉。

【宋史職官志】武散官三十一。驃騎大將軍。從一。輔國大將軍。正二。鎮國大將軍。從二。冠軍大將軍。正三。

上。懷化大將軍。正三。雲麾將軍。從三。歸化將軍。從三。忠武將軍。正四。壯武將軍。正四。宣武將軍。從四。

上。明威將軍。從四。定遠將軍。正五。寧遠將軍。正五。游騎將軍。從五。游擊將軍。從五。昭武校尉。正六。

武副尉。正六。振威校尉。從六。振威副尉。從六。致果校尉。正七。致果副尉。正七。翊麾校尉。從七。翊麾副尉。從七。

宣節校尉。正八。宣節副尉。正八。禦武校尉。從八。禦武副尉。從八。仁勇校尉。正九。仁勇副尉。正九。

陪戎校尉。從九。陪戎副尉。從九。

謹案。宋武選舊制。自內客省使。至閣門使。使各有副。爲橫班。自皇城使。至供備庫使。爲諸司正使。自皇城副使。至供備庫副使。爲諸司副使。內殿承制。內殿崇班。爲大使臣。自東頭供奉官。至三班

借職爲小使臣。元豐中釐定官制，廢文散階，而武臣將軍、校尉之號，尙依其舊，則亦沿唐制也。

【宋史職官志】武選新官：太尉、通侍大夫、正侍大夫、宣正大夫、履正大夫、協忠大夫、中侍大夫、中亮大夫、中衛大夫、翊衛大夫、親衛大夫、拱衛大夫、左武大夫、右武大夫、正侍郎、宣正郎、履正郎、協忠郎、中侍郎、中亮郎、翊衛郎、拱衛郎、左武郎、右武郎、武功大夫、武德大夫、武顯大夫、武節大夫、武略大夫、武經大夫、武義大夫、武翼大夫、武功郎、武德郎、武顯郎、武節郎、武略郎、武經郎、武義郎、武翼郎、敦武郎。山堂考索作訓武郎。蓋避光宗嫌名也。修武郎、從義郎、秉義郎、忠訓郎、忠翊郎、成忠郎、保義郎、承節郎、承訓郎、下班祗應。

謹案宋政和二年，武選亦易新名，正使爲大夫，副使爲郎，橫班十二階，正副亦然。是以有郎居大夫之上者，其後以新名未足，又增置宣正、履正、協忠、翊衛、親衛大夫，凡十階，通爲橫班。太尉本秦主兵官，特以爲武官之首，自太尉至下班祗應，凡五十二階。正侍郎以下，郎居大夫上，議者以爲非序。紹興中，乃釐正之，以郎居下，又以下班祗應之上，增進武校尉、進義校尉，其下增進武副尉、進義副尉、守闕進義副尉、進勇副尉、守闕進勇副尉。初政和中，欲以將軍、校尉、諸階，易橫班以下諸使，至三班借職，而西班用事者，嫌其塗轍太殊，亦請改爲郎、大夫。蓋周制，師帥皆中大夫，旅帥皆下大夫，卒長以下皆士，漢之諸郎，有五官左右中郎將，而羽林、虎賁，俱以郎爲號，則宋武階

之爲郎大夫固因于古也。又內侍階。唐制與文臣同。宋別置階官。欲不相溷。政和二年改爲十二階。曰供奉官。曰左侍禁。曰右侍禁。曰左班殿直。曰右班殿直。曰黃門。曰祇候侍禁。曰祇候殿直。曰祇候黃門。曰內品。曰祇候內品。曰貼祇候內品。又醫官階十有四。亦政和二年更定。自和安大夫以下。爲大夫者六。其郎亦如大夫之名數。又有翰林良醫等凡十號。皆繁雜不可備書。故附著於此。

遼

【遼史太祖本紀】神册六年夏五月詔正班爵。

【太宗本紀】大同元年春正月降重貴爲崇祿大夫檢校太尉。

謹案崇祿大夫五代史晉家人傳作光祿大夫蓋遼以太宗名改之則亦倣自唐以來之舊制也。

【遼史韓延徽列傳】子德樞守左羽林大將軍遷特進太尉【高模翰列傳】加特進檢校太師天祿

二年加開府儀同三司【額布特列傳】蒙古語冬也原作加金紫崇祿大夫檢校太尉【耶律諾觀

列傳】蒙古語綠色也原作奴瓜今改正加金紫崇祿大夫【楊浩列傳】加特進檢校太師【耶列棠古列傳】從原文不

改加鎮國上將軍

謹案遼之官品于史無考故摭此以存其概然崇祿等號疑亦祇是加官而非以爲品秩之差也。

金

【金史百官志】文官九品階凡四十有二。從一品上曰開府儀同三司，中曰儀同三司，中次曰特進，下曰崇進。正二品上曰金紫光祿大夫，下曰銀青光祿大夫。從二品上曰光祿大夫，下曰榮祿大夫。正三品上曰資德大夫，中曰資政大夫，下曰資善大夫。從三品上曰正奉大夫，中曰通奉大夫，下曰中奉大夫。正四品上曰正議大夫，中曰通議大夫，下曰嘉議大夫。從四品上曰太中大夫，中曰中大夫，下曰少中大夫。正五品上曰中議大夫，中曰中憲大夫，下曰中順大夫。從五品上曰朝請大夫，中曰朝散大夫，下曰朝列大夫。舊曰奉德大夫。天德二年更。正六品上曰奉政大夫，下曰奉議大夫。從六品上曰奉直大夫，下曰奉訓大夫。正七品上曰承德郎，下曰承直郎。從七品上曰承務郎，下曰儒林郎。正八品上曰文林郎，下曰承事郎。從八品上曰徵事郎，下曰從仕郎。正九品上曰登仕郎，下曰將仕郎。從九品上曰登仕佐郎，下曰將仕佐郎。此二階。大定十年。創增。

謹案金雜探唐宋舊制而增置崇進榮祿大夫資德大夫資政大夫資善大夫嘉議大夫少中大夫中議大夫中憲大夫中順大夫朝列大夫奉政大夫奉議大夫奉直大夫奉訓大夫等號其榮祿資政中議中憲奉政奉直之號則相沿至今特品秩各異耳。

【金史百官志】武散官凡仕至從二品以上至從一品者皆用文資。自正三品以下階與文資異。元本

作同。今據續文獻通考改。

正三品。上曰龍虎衛上將軍。中曰金吾衛上將軍。下曰驃騎衛上將軍。從三品。上曰奉國上將軍。中曰輔國上將軍。下曰鎮國上將軍。正四品。上曰昭武大將軍。中曰昭毅大將軍。下曰昭勇大將軍。從四品。上曰安遠大將軍。中曰定遠大將軍。下曰懷遠大將軍。正五品。上曰廣威將軍。中曰宣威將軍。下曰明威將軍。從五品。上曰信武將軍。中曰顯武將軍。下曰宣武將軍。正六品。上曰武節將軍。下曰武德將軍。從六品。上曰武義將軍。下曰武略將軍。正七品。上曰承信校尉。下曰昭信校尉。從七品。上曰忠武校尉。下曰忠顯校尉。正八品。上曰忠勇校尉。下曰忠翊校尉。從八品。上曰修武校尉。下曰敦武校尉。正九品。上曰保義校尉。下曰進義校尉。從九品。上曰保義副尉。下曰進義副尉。

此二階。大定十四年。創增。

謹案金武階以將軍校尉爲號。蓋沿唐及宋初舊制。竊意遼制亦大略如此。而金因之。又金司天翰林官。舊制自從七品而下止五階。至天眷定制。司天自從四品而下立爲十五階。自欽象大夫以下爲大夫者十有一。探頤郎以下爲郎者十有四。太醫官自從六品而下止七階。天眷制自從四品而下立爲十五階。自保宜大夫以下爲大夫者十有一。保愈郎以下爲郎者十有四。內侍之制自從四品以下十五階。自中散大夫以下爲大夫者十有一。通禁郎以下爲郎者十有四。教坊舊用武散官。大定二十九年以爲不稱。乃創定二十五階。明昌三年自從四品以下更立爲十五

階自雲韶大夫以下爲大夫者十有一。肅和郎以下爲郎者十有四。亦附著于此。

元

【元史百官志】文散官四十二。開府儀同三司、儀同三司、特進、崇進、金紫光祿大夫、銀青光祿大夫、

以上俱正一品。光祿大夫、榮祿大夫、以上從一品。資德大夫、資政大夫、資善大夫、以上正二品。正奉大夫、通奉大夫、中

奉大夫、以上從二品。正議大夫、通議大夫、嘉議大夫、以上正三品。太中大夫、中大夫、亞中大夫、以上從三品。奉

亞中中議大夫、中憲大夫、中順大夫、以上正四品。朝請大夫、朝散大夫、朝列大夫、以上從四品。奉政大夫、奉議

大夫、以上正五品。奉直大夫、奉訓大夫、以上從五品。承德郎、承直郎、以上正六品。儒林郎、承務郎、以上從六品。文林郎、承

事郎、以上正七品。徵事郎、從事郎、以上從七品。登仕郎、將仕郎、以上正八品。登仕佐郎、將仕佐郎、以上從八品。文散官四

十二階。由一品至五品爲宣授。六品至九品爲敕授。敕授則中書署牒。宣授則以制命之。其官常對

品惟九品無散官。則舉其職而已。武官雜職亦如之。

謹案唐制自三品以上官册授。五品以上制授。六品以下敕授。元則一品至五品爲宣授。六品至

九品爲敕授。則明制之五品以上授誥命。六品以下授敕命。實本諸此。而國朝因之者也。元之九

品無散官。但舉其職。正如今未入流之比爾。

【元史百官志】武散官三十四階。龍虎衛上將軍、金吾衛上將軍、驃騎衛上將軍、以上正二品。奉國上將

軍、鎮國上將軍、以上從二品。昭武大將軍、昭勇大將軍、昭毅大將軍、以上正三品。安遠大將軍、懷遠大將軍、以上從三品。廣威將軍、宣威將軍、明威將軍、以上正四品。信武將軍、顯武將軍、宣武將軍、以上從四品。武節將軍、武德將軍、以上正五品。武義將軍、武略將軍、以上從五品。承信校尉、昭信校尉、以上正六品。忠武校尉、忠顯校尉、以上從六品。忠勇校尉、忠翊校尉、以上正七品。修武校尉、敦武校尉、以上從七品。保義校尉、進義校尉、以上正八品。保義副尉、進義副尉、以上從八品。

謹案元武散官悉沿金之舊號，惟無從一品及正從九品，而差易其等秩耳。又元內侍散官一十四，自正二品至從四品，爲大夫者六，自正五品至從八品，爲郎者八，又司天散官一十四，自從三品至正五品，爲大夫者五，自從五品至從八品，爲郎者九，又太醫散官一十五，自從三品至正五品，爲大夫者六，自從五品至從八品，爲郎者八，又教坊司散官一十五，自從三品至正五品，爲大夫者六，自從五品至八品，爲郎者九，亦附著于此。

明

【王圻續文獻通考】明太祖以中外文武百司職名之沿革，品秩之崇卑，助階之升轉，俸祿之損益，歷年滋久，屢有不同，無以示成憲于後世，乃命儒臣重定其品階助祿之制，以示天下。【明史職官志】文選掌官吏班秩，凡文官之品九，品有正從，爲級一十八，不及九品，曰未入流，文之

散階四十有二。以歷者爲差。正一品。初授特進榮祿大夫。陞授特進光祿大夫。從一品。初授榮祿大夫。陞授光祿大夫。正二品。初授資善大夫。陞授資政大夫。加授資德大夫。從二品。初授中奉大夫。陞授通奉大夫。加授正奉大夫。正三品。初授嘉議大夫。陞授通議大夫。加授正議大夫。從三品。初授亞中大夫。陞授中大夫。加授太中大夫。正四品。初授中順大夫。陞授中憲大夫。加授中議大夫。從四品。初授朝列大夫。陞授朝議大夫。加授朝請大夫。正五品。初授奉議大夫。陞授奉政大夫。從五品。初授奉訓大夫。陞授奉直大夫。正六品。初授承直郎。陞授承德郎。從六品。初授承務郎。陞授儒林郎。吏材幹出身者。授宣德郎。正七品。初授承事郎。陞授文林郎。吏材幹授宣議郎。從七品。初授將仕郎。陞授徵仕郎。正八品。初授迪功郎。陞授修職郎。從八品。初授迪功佐郎。陞授修職佐郎。正九品。初授將仕郎。陞授登仕郎。從九品。初授將仕佐郎。陞授登仕佐郎。

謹案。明文職散官之制。凡初入仕任內。未及初考。而遷調改除陞等者。及考覈平常。量才降等。而非貶降者。皆得初授階。初考稱職。任內已及初考。遷調改除。而品級仍前。或任內已陞授。未及再考。遷調改除。而品級仍前者。皆得陞授階。凡及兩考。而事跡顯著者。皆得加授階。又建文二年。以周禮卿。大夫士之制。更定品級階勳。遂更尙書爲特進資政上卿。侍中爲資政卿。侍郎爲資政亞卿。郎中資政中大夫。員外資政大夫。給事中嘉政中士。正九品爲保義士。從九品爲保義下士。時

用方孝孺議請做周禮建官故有此制永樂時悉改仍舊焉。

【明史職官志】凡武官六品散階三十正一品初授特進榮祿大夫陸授特進光祿大夫從一品初授榮祿大夫陸授光祿大夫正二品初授驃騎將軍陸授金吾將軍加授龍虎將軍從二品初授鎮國將軍陸授定國將軍加授奉國將軍正三品初授昭勇將軍陸授昭毅將軍加授昭武將軍從三品初授懷遠將軍陸授定遠將軍加授安遠將軍正四品初授明威將軍陸授宣威將軍加授廣威將軍從四品初授宣武將軍陸授顯武將軍加授信武將軍正五品初授武德將軍陸授武節將軍從五品初授武略將軍陸授武毅將軍正六品初授昭信校尉陸授承信校尉從六品初授忠顯校尉陸授忠武校尉。

謹案明武官六品之外亦有正七品從七品未入流爲安撫僉事蠻夷長官之屬此當如前代流外視流外之比故不著於表又明初定欽天監散官自正議大夫以下大夫郎凡六等後改從品級授以文職散官太醫院亦如文職授散官又洪武四年定內官散官自正四品至從五品爲大夫者四自正六品至從八品爲郎者六考唐之宦者所歷散官與文官同金元別設內侍階亦以郎大夫爲號而明因之則仍與士流相瀾惟宋自爲十二階然品秩優重於名器實爲褻瀆我朝惟欽天監太醫院官仍明制授文職散官而內官則但定爲五等其散官冗號盡行革除

詳見內務府太監職

制條
下・於以澄流品而抑僥倖。誠足爲萬代不易之令式矣。

